

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/

REESE LIBRARY

OF THE

UNIVERSITY OF CALIFORNIA.

Received

AUG 20 1894

Accessions No. 56035. Class No.

•									
•					•				
•				•					
						•			
						•			•
	÷								
			·						
								4	_

353

·

·

A Helle

DE

PLATONIS ARTE DIALECTICA.

SCRIPSIT

HERM. OLDENBERG.

COMMENTATIO

IN

CERTAMINE CIVIUM GEORGIAE AUGUSTAE
DIE XI. IUNII A. MDCCCLXXIII

AB AMPLISSIMO PHILOSOPHORUM ORDINE PRAEMIO REGIO ORNATA.



GOTTINGAE MDCCCLXXIII.

TYPIS EXPRESSIT OFFICINA ACADEMICA DIETERICHIANA.

GUIL. FR. MARSTNER.

56035



Cap. I. De priore artis dialectae forma.

S. 1. Plato in Phaedone (p. 99d sqq.) Socratem facit narrantem, cum nec physicorum doctrina nec philosophia Anaxagorae sibi satis probaretur, δεύτερον πλοῦν ad rerum naturam cognoscendam se molitum esse. Nam ut eorum, qui solem deficientem spectent, lumina obcaecentur, nisi ad imaginem solis in aqua expressam se convertant, sic animum suum fatigatum se ab ipsis rebus quae sub sensus cadunt investigandis ad notiones recepisse, in quibus rerum veritatem deprehenderet. — His breviter adumbratur, quae sit artis dialecticae quam Plato a Socrate acceptam tractavit, natura et origo: est enim illa secundum Platonem ars veri inveniendi, sive, cum verum non rebus sensibus objectis sed notionibus contineri censeat, ars notionum tractandarum. Homo dialecticus dicitur in Politico (287a) δ τῆς τῶν ὄντων λόγφ δηλώσεως εύρετικός: dialectica ars sola ad plenam rerum veritatem accedit, quare reliquas artes et cognoscit et gubernat (Phileb. 57 E sq.). Cumque Socratici colloquendo inter se disputandoque quaestiones philosophas tractare consueverint, dialecticus dicitur & ξρωτᾶν καὶ ἀποκρίνεσθαι ἐπιστάμενος (Cratyl. 390 c). De ceteris locis, quibus Plato artem dialecticam definit, postea accuratius agetur: nunc quae attuli sufficiant, ut statim ab initio, de qua re disputandum sit, sciatur. Si vero nonnunquam in exponendis Platonis placitis tritis quoque rebus insistam, peto ut ignoscatur, nam etiam cognita interdum, ut philosophus noster ait, repetenda sunt τοῦ έξῆς ένεχα περαίνεσθαι τον λόγον.

§. 2. Jam cum ex eis, quae a Socrate Phaedonis loco citato dicuntur, appareat, dialecticam artem inde nasci, quod in rebus sensibilibus insit inconstantia quaedam, propter quam veritatem sensibus contineri non possimus statuere, hoc primum explicandum est, quibusnam vitiis sensuum perceptio Platoni laborare

videatur: unde colligi poterit, quae officia ars dialectica, ut haec

vitia sanet, debeat explere.

Sensuum igitur cognitioni (αλοθήσει) subjecta sunt τὰ αλοθητά, quae notionis unitati opposita vocantur etiam τὰ πολλά, ita ut sub diversos sensus diversa rerum sensibilium genera cadant (Theaet. 185). Anima autem, ubi res objectas per sensus considerat, corporis vinculis constricta libere rerum veritatem cognoscere non potest: δταν μετὰ τοῦ σώματος ἐπιχειρῆ τι σχοπεῖν (int. ἡ ψυχή), δῆλον δτι τότε εξαπατάται υπ' αυτου (Phaedo 65 b, cf. 79 c. — δι' άμνδρών δογάνων Phaedr. 250 b). Dialectica igitur, ut ad firmiorem cognitionem perveniat, debebit solius mentis agitatione cor-

pore solutae contineri.

Ipsae autem res quae sensibus percipiuntur non eandem naturam retinent sed aeterno flumine moventur: quare dicuntur tà οδδέποτε κατά ταθτά έχοντα (Phaedo 79c), το γιγνόμενον και άπολλύμενον, οντως δε ουδεποτε ον (Tim. 28a), τα πλανώμενα υπό γενέσεως καὶ φθορᾶς (Rep. VI, 485 b). Ipsa sidera propterea quod corpoream habent sensibilemque naturam, non eandem semper retinere legem sed inconstantiae subjecta esse judicantur (Rep. VII, 530 b, cf. Tim. 28 b). Socrates juvene Theaeteto est major, mox, ubi hic, adoleverit, minor erit; sex ossicula cum quattuor ossiculis comparata plura dicuntur esse et sescupla, cum duodecim ossiculis collata pauciora et dimidia (Theaet. 154 c. 155 b). Quae inconstantia cum ex diversitate relationum nascatur, quae inter varias res mutuae intercedunt, et ex varia ejusdem rei diverso tempore conditione, dialectica singularum rerum infinitam varietatem, quae diversis atque repugnantibus relationibus locum dat, et mutabilem statum, qui alio tempore alius fit, tollit nec res magnas, quae eaedem sunt parvae, sed notionem magnitudinis, in quam parvitas non cadit, considerat.

Neque vero omnes perceptiones aeque cogitationem excitant (Rep. VII, 523 b, c): τὰ μὲν οὐ παρακαλοῦντα (int. τὴν νόησιν) δσα μὴ ἐχβαίνει εἰς ἐναντίαν αἴσθησιν ἄμα· τὰ δ' ἐχβαίνοντα ὡς παρακαλοῦντα τίθημι, ἐπειδὰν ἡ αἴσθησις μηδὲν μᾶλλον τοῦτο ἢ τὸ εναντίον δηλοί. Velut quam duri sentimus perceptionem eandem sentimus etiam mollis: οὐχοῦν ἀναγχαῖον εν τοῖς τοιούτοις αὖ τὴν ψυχήν απορείν, τι ποτε σημαίνει αθτη ή αξοθησις το σχληρόν, εξπερ τὸ αὖτὸ καὶ μαλακὸν λέγει· καὶ ἡ τοῦ κούφου καὶ ἡ τοῦ βαρέος, τί τὸ χοῦφον χαὶ βαρύ, εί τό τε βαρὺ χοῦφον χαὶ τὸ χοῦφον βαρὺ σημαίνει (l. c. 524 a, b). Ejusmodi perceptiones revera sunt ἄτοποι ξομηνεῖαι καὶ ἐπισκέψεως δεόμεναι, efficientque ut mens ea quae per sensus confusa accipiebat, distinguat et sola cogitatione quaerat, quid sit parvum, quid magnum, non δοατόν illud, sed νοητόν

investigans 1).

Inter qualitates illas quarum inconstantia et confusio cogitationem suscitat, primarium locum tenent qualitates ethicae et aestheticae (liceat mihi hic et in sequentibus brevitatis causa etiam vocabula ab ipso Platone aliena adhibere, quae cur anxie vitem, causa mihi nulla videtur esse). Ex multis eis quae pulchra videntur, nihil non idem videbitur deforme, nihil justum non injustum, nihil sanctum non profanum (Rep. V, 479 a, b). Quae ubi contemplamur, animadvertimus, haec quae videmus pulchra id quod revera est pulchrum imitari sed non aequare (Phaedo p. 75): unde fit, ut cogitatio nostra relinquat ea, quae, quod sunt, non vere ac plane sunt, et ascendat ad ea, quae perfecta et omnibus mendis exempta sunt.

§. 3. Opponit ergo Plato singulas res quas mutationi obnoxias judicat, notionibus quae mutatione vacant: illas sensibus percipi, has cogitatione cognosci statuit. In qua distinctione cum principium Platonicae dialectices versetur, jam ab initio intenti esse debemus in eos locos, quibus Plato in hac distinctione servanda non sibi constitit: tales loci, si quos inveniamus, errorem in

fundamento dialectices latentem produnt.

Ac jam ex eis Republicae verbis quae supra attigimus (VII, 530b), ubi ne caelestium quidem corporum motus inconstantia vacare dicitur — de qua re alias Plato contrarie sentit —, manifestum fit, quam mira proferre cogatur, ut placitum suum retineat et a sensibili natura certam solidamque constantiam excludat. — Perrumpitur autem distinctio inter singulas res sensibus patentes et notiones cogitationi objectas, si quid reperitur medium locum inter utramque partem tenens, quod nec sensibus pateat nec notio

¹⁾ Cf. quae in Timaeo (49 b sqq.) de aqua dicuntur: cujus cum diversas mutationes descripturus sit, praemittit Timaeus: τούτων γὰρ εἶπεῖν ἔκαστον ὁποῖον ὅντως υδωρ χρη λέγειν μᾶλλον η πῦρ χαλεπόν . . . ἀσφαλέστατον μακρῷ περὶ τούτων τιθεμένους ώδε λέγειν ἀεὶ ὁ καθορῶμεν ἄλλοτι ἄλλη γιγνόμενον, ὡς πῦρ, μὴ τοῦτο ἀλλὰ τὸ τοιοῦτον ἐκάστοτε προσαγορεύειν πῦρ. Qui locus quid valeret, imprimis Herbartius in egregio libello, qui est de Platonici systematis fundamento, explicavit.

generalis sit. Talis est conditio animarum, quae non, ut nonnulli arbitrantur, inter ideas a Platone referuntur sed in vicinitate
idearum et in medio loco inter res sensibiles et res intellegibiles
positae sunt: sunt enim ἀειδεῖς et affines τοῦ ἀεὶ ὅντος καὶ ἀθανατον καὶ ωσαύτως ἔχοντος. In hac ditione inter utramque partem interjecta versantur omnia, quae anima agit patiturve, cogitationes, appetitus, cetera, quae nec sunt notiones generales nec
sensibus possunt percipi: ac si Plato eos vituperat, qui unam materiam agnoscunt πράξεις καὶ γενέσεις καὶ πᾶν τὸ ἀόρατον οὖκ ἀποδεχόμενοι ὡς ἐν οὖσίας μέρει (Theaet. 155 E), ipse ad τὰ ἀόρατα
in quibus inest veritas, etiam singulas actiones singulosque ortus
non modo ideam actionis ortusque, refert.

Ac ne sensibiles quidem res mera sensuum actione cognosci, sed in his quoque singulis cogitationem ad sensus accedere Platonem haud fugit. In Theaeteto (185) enim describit, quo modo anima singulas res, quarum colorem, figuram, sonos per sensus cognoverit, sine sensuum auxilio ipsa intra se agitet, diversas sensuum perceptiones comparet, οὐσίαν cujusque rei et τὸ μὴ εἶναι, δμοιότητα καὶ ἀνομοιότητα, εν τε καὶ τὸν ἄλλον ἀριθμόν reputet, ,, ἀναλογιζομενη εν αύτη τὰ γεγονότα καὶ τὰ παρόντα πρὸς τὰ μελλοντα ..., ἐπανιοῦσα καὶ συμβάλλουσα κρίνειν πειρᾶται ἡμῖν . . τὴν ovotav". 186 a, b). Hoc internum animae cum se ipsa colloquium non statim a singulis ad generalia confugit, sed singulorum naturam certasque leges investigat: quam rem hoc loco leviter adstrictam si philosophus noster amplius persecutus esset, fortasse dialectica ejus non tam celeriter rerum fluctus quasi temerarios certaque norma carentes deseruisset, sed mutationes legibus regi quae ipsae immutabiles sunt, assecuta esset. Sed de hac re in fine hujus commentationis accuratius videbimus: nunc hoc unum agebamus, ut oppositionem illam singularium quae aspiciuntur et universalium quae cogitantur nec justam nec ab ipso Platone semper servatam esse demonstraremus.

§. 4. Jam ad singulas disputandi vias, quibus Platonis dialectica ad notionum veritatem ascendere conatur, transcuntibus incipiendum videtur ab inductione, cujus nomen apud Platonem nondum exstat 1), exempla, ut apud Socratis discipulum par est, plurima

¹⁾ Nam quod Pol. 278 a dicitur: αζο οὖν οὖχ ὧδε δάστον καὶ κάλλιστον ἐπάγειν αὖτοὺς ἐπὶ τὰ μήπω γιγνωσκόμενα; nil probat, cum verbum quod

inveniuntur. Non opus est autem ea accuratius recensere, quae anud Diogenem 1) de natura ac de generibus inductionis Platonicae disputantur: posterioris enim cuiusdam logici haec sunt commente, non inventa Platonis.

Describitur ascensio a singularibus ad universalia procedens in Philebo p. 18 a sqq., ubi cum contraria via ab universalibus ad singularia descendens descripta sit, philosophus addit: oviw καὶ τοθναντίον όταν τις τὸ ἄπειρον ἀναγκασθῆ πρώτον λαμβάνειν, μή έπι το εν εθθύς, άλλ' έπ' άριθμον αθ τινά πλήθος εκαστον έχοντά τι καιανιᾶν (vulg. κατανοεῖν), τελευτᾶν τε έκ πάντων είς εν. Quod commemoratur aneigor videlicet est innumerabilis atque infinita rerum singularum varietas, a qua non statim ad summum genus quod ouncta complectitur procedere debemus, sed prius ad inferiora genera: quorum ubi certum quendam numerum descripserimus, amplius progrediendum est, donec ad unitatem summi generis pervenerimus ($\tau \epsilon \lambda \epsilon \nu \tau \tilde{\alpha} \nu \tau \epsilon \epsilon \lambda \pi \tilde{\alpha} \nu \tau \omega \nu \epsilon l_s \epsilon \nu$). Hujus methodi exemplum additur a literis petitum, quarum e varietate Aegyptius ille sapiens primum vocales distinxit earumque numerum descripsit, deinde semivocales, deinde mutas, postremo vero omnibus commune literarum nomen imposuit artemque cunctas complectentem grammaticam nominavit.

est ἐπάγειν hie nihil significet nisi adducere sive perducere. Statim post eodem sensu pro ἐπάγειν dicitur ἀνάγειν.

¹⁾ D. L. III, 53 sqq. cf. Heyder aristot. u. heg. Dialektik p. 62 adn. Quem Diog. commemorat τρόπον και' ἐναντίωσιν eum talibus locis cerni puto, qualis est Rep. I, 333 d. Polemarchus dixit, justum amicum utilem esse, si quis argertum depositurus sit, non si quid emere velit. Si quis igitur, inquit Socrates, falcem deponere vult, utilis est justitia, si uti, ars vinitoris (ἀμπελουςγική), si quis lyram et scutum deponere vult, utilis est justitia, si uti, ars musica et militaris. Qua inductione efficitur: καὶ περὶ τάλλα δὴ πάντα ἡ δικαιοσύνη ἐκάστου ἐν μὲν χρήσει ἄχρηστος, ἐν δὲ ἀχρηστία χρήσιμος: quod cum absurdum sit, refutata est Polemarchi sententia.

²⁾ Phil. 17 a vituperatur temeritas qua philosophi nimis cito ad summa genera ascendunt: τὰ δὲ μέσα αὐτοὺς ἐκφεύγει οἰς διακεχώφισται τό τε διαλεκτικώς πάλιν καὶ τὸ ἐφιστικώς ἡμᾶς ποιεῖσθαι πρὸς ἀλλήλους τοὺς λόγους. Quis non reminiscitur, dum haec legit, duarum viarum, quibus Baco a singularibus ad generalia perveniri dicit, quarum altera sensim ascendit, altera ab imis uno cursu statim ad summa tendit (Nov. org. 1. 19)? 'Hunc quem citavimus Philebi locum spectasse mihi videtur Britannicus philosophus, quod ex falsae inductionis vituperatione, quam ceteris omnibus philosophis ac maxime Aristoteli objiciebat, unum Platonem excepit (Nov. org. 1. 105).

Melius quomodo inductio singulis rebus colligendis generalem quae de his omnibus valet cognitionem condat, perspicitur in altero exemplo ex Menone (87 e sqq.) petito, ubi Socrates demonstrare studet, omnia quae bona appellari soleant, prodesse, ubi scientia ea regat, nocere, si non regat. Quod ut efficiat, enumerat, quae sint ea, quae prodesse hominibus dicantur: ac primum quidem affert bonam valetudinem, robur, pulchritudinem, divitias: quae omnia si recte administrantur prosunt, si minus, Pergit deinde ad τὰ κατὰ τὴν ψυχήν, temperantiam, justitiam, fortitudinem, reliqua: haec quoque, nisi scientia ea regit, non prosunt sed obsunt, velut fortitudo in inanem audaciam, temperantia in debilitatem convertitur. Unde sequitur, ξυλλήβδην πάντα τὰ τῆς ψυχῆς ἐπιχειρήμαια καὶ καρτερήματα ἡγουμένης μὲν φρονήσεως είς εὐδαιμονίαν τελευτᾶν, ἀφροσύνης δ' είς τοὐνανιίον. Hac ratione cum expositum sit primum, quomodo externa bona a sapientia pendeant, deinde quomodo ipsius mentis virtutes in eadem condantur, summam totius inductionis Socrates his verbis colligit (88 e sq.): οὐχοῦν οῦτω δη κατά πάντων εἰπεῖν ἔστι, τῷ ανθρώπω τὰ μὲν ἄλλα πάντα εἰς τὴν ψυχὴν ἀνηρτῆσθαι, τὰ δὲ τῆς ψυχης αὐτης είς φρόνησιν, εί μελλει άγαθά είναι, και τούτω τῷ λόγω φρόνησις ἂν εἴη το ωφελιμον.

Raro autem tam accurate omnia singularia, ex quibus inductio fiat, enumerantur: plerumque alio modo Plato agit ac nonnullis tantum enumeratis quod his commune est alii rei singulari, quae eidem notioni universali subest, tribuit. Constantes observari possunt formulae, quibus Socrates talibus locis defectum plenae inductionis complere solet: velut saepe paucis exemplis collectis ab horum similitudine aliquid de ceteris conclusurus interrogat "σο χοῦν και τάλλα οῦνως"; (Cratyl. 387b, Crito 47c), "καὶ τάλλα οῦνω κατὰ τὸν αὐτὸν λόγον" (Gorg. 460b); eam rem, quae quaeritur, similiter atque reliquas se habere sumit "εἴπερ τι τοῖς ξμπροσθεν μελλει ὁμολογούμενον εἶναι" (Crat. 387d), "εἴπερ ἀχολονθήσει τῆ πρόσθεν ὁμολογία" (Lysis 219c), Clauda enim quodam modo esset natura, nisi quas leges sequitur in altera re, easdem sequeretur in altera, quae illi similis est (Phaedo 71e).

Accuratius ut dicamus, cognita exempla, quae inductione colliguntur, ex communis vitae usu, de quo inter omnes constat, solent esse desumpta; id quod quaeritur, in alia ditione a vulgari consuetudine remotiore positum est, in animo ejusque affectionibus,

in cogitatione et voluntate, quorum leges ita investigantur, ut eorum, quae in communi vita locum tenent, similitudo ad haec transferatur 1). Unde simul apparet, quo vitio inductio Platonica laboret ususque ejus incertissimus reddatur. Nam cognitae res. e quibus inductio conficitur, a, b, c, cum ea re quae investigatur x, unam notam vel complures habent communes, propter quas omnino comparari possunt, in aliis autem diversae sunt: ubi igitur id quod quaeritur, a communi nota dependet, x cum a, b, c in eo consentit et inductio recte fit; ubi ab alia nota, quae non est communis, dependet, non in similitudine qua x cum a, b, c jungitur, momentum positum est, sed in dissimilitudine, et id quod inductione efficitur, potest esse falsum. Jam facile intellegitur, si ea, in quibus dialectica et ethica versantur, cum eis, quae communis vitae consuetudo offert, comparentur, multo latius plerumque patere dissimilitudinem, qua remotiora illa a notorioribus his separantur, quam similitudinem, qua junguntur, atque errorum occasionem frequentissimam dari.

Exemplum videamus ex Theaeteto petitum, ubi cum investigetur, num recte definiatur τὸ ψευδη δοξάζεω esse τὸ μη δυ δοξάζεω, Socrates inductione utitur hac: qui videt, semper unum quiddam videt idque ens; qui audit, unum quiddam audit idque ens; qui tangit, ens tangit: quare qui opinatur, ens semper opinatur, et qui non ens opinatur, omnino non opinatur. Quod cur falsum sit, manifestum est. Auditus enim noster ceterique sensus, ut aliquid sentiant, externo indigent impulsu, qui a re quae non existit proficisci non potest: opiniones autem, quibus non eadem ratione externo incitamento opus est, res quae non existunt aeque atque exstentes fingere possunt. Tali concludendi errore factum est, ut Plato generales notiones quas cogitamus revera existere sibi persuaserit: videlicet ut externis actionibus sensuumque perceptionibus objectum reale respondet, sic etiam

¹⁾ Liceat exempla quaedam, quibus hoc manifestum fiat, apponere ex Gorgia desumpta. 460 b comparantur ὁ τεκτονικός, μουσικός, λατρικός, concluditur de δικαίω. 474 d comparantur τὰ καλὰ σώματα, χρώματα, σχήματα, φωναί, ἐπιτηδεύματα, concluditur de eo καλῷ quod in virtute atque honestate positum est. 504 a comparantur ολκοδόμοι, ζωγράφοι, ναυπηγοί, ἄλλοι πάντες δημουργοί, παιδοτρίβαι, λατροί, quorum quisque τάξιν quandam et κόσμον efficit, concluditur de eis qui δικαιοσύνην et σωφροσύνην in eivium animis efficiunt, cf. 514. 516 a, b.

cogitatio, quae generales notiones fingit, ad reale aliquid pertinere ei visa est.

Similiter in virtutibus tractandis, similiter in explicanda linguae natura et origine Plato, dum audacius notarum rerum leges ad ignotas in singularem harum naturam parum intentus transfert, a vero aberravit. Ό τὰ τεκτονικὰ μεμαθηκώς, inquit Socrates cum Gorgia disputans (Gorg. 460 b, c), τεκτονικός ὁ τὰ μουσικὰ μουσικός, ὁ τὰ ἰατρικὰ ἰατρικός καὶ τὰλλα οῦτω κατὰ τὸν αὐτὸν λόγον ὁ μεμαθηκώς ἕκαστα, τοιοῦιος ἐστιν οἰον ἕκαστον ἡ ἐπιστήμη ἀπεργάζεται. Οὐκοῦν κατὰ τοῦτον ιὸν λόγον καὶ ὁ τὰ δίκαια μεμαθηκώς δίκαιος; — Πάνιως δή που. — Tali modo neglecto discrimine quod inter voluntatis actionumque honestatem et artium exercendarum sollertiam intercedit, inductione illa ad huius normam accommodatur.

Nec ab hac disputandi ratione absunt, quae Plato de linguae natura profert: ita enim hanc explicare conatur, ut quae valent si quam rem manibus sive instrumentis tractamus, ad actionem nominandi, qua suum cuique rei nomen imponimus, transferat. Quod secare volumus, inquit (Crat. 387 a sqq.), secamus secundum ipsius naturam, non secundum arbitrium nostrum; quod ulimus, urimus sic ut natura ejus fert: si vero naturam rei objectae non curamus, nec secare eam possumus nec urere. Cum vero etiam τὸ λέγειν et τὸ ὀνομάζειν actiones sint, necesse est etiam nominando ipsarum rerum secundum naturam exprimi (ὐνομαστέον ή πέφυκε τὰ πράγματα δνομάζειν τε καὶ δνομάζεσθαι): quod nisi facimus, sonos pronunciamus, sed nihil nominamus. — Ac de linguae origine quae profert ipsa quoque inductione eandem ob causam falsa con-Nomen, inquit (388 b sqq.), est διδασκαλικόν τι δργανον καὶ διακριτικὸν τῆς ούσίας ώσπερ κερκὶς ύφάσματος: κερκὶς νετο est opus réxrovos, nec quivis homo est réxrov, sed qui artis est peritus. Item falx est opus χαλκέως, nec quivis est χαλκεύς, sed qui artem didicit. Quare nomen cum, sicut illa, öyavov sit, ipsum quoque est opus artificis cujusdam, τοῦ δνοματουργοῦ, nec quivis est ονοματουργός, sed qui artem tenet.

Haec exempla sufficiant, unde vitia, quibus Platonica inductionis methodus laborat, eorumque fons et origo intellegantur: quam originem, ut quod jam supra attigi hic repetam, in eo positam esse arbitror, quod Plato incognita cum cognitis, difficilia cum facilibus, motus similitudine quadam vel similitudinis specie

comparans, quod in his valet, neglecto discrimine inter haec et illa intercedente in illa quoque transferebat.

Transeundum jam est ad novam quaestionem videndumque, quem locum inductio in Platonis philosophia inter ceteras methodos obtineat: in qua re si paullo diutius commorabimur, venia, spero, nobis tribuetur propter gravissimum momentum, quod haec res ad Platonis artem dialecticam recte intellegendam sibi vindicat.

S. 5. Investigemus primum, num Plato ad definitiones inveniendas inductione usus sit. Hic considerandus est clarismus Phaedri locus (265 d, e), quo dialectici munus duplex esse dicitur: είς μίαν τε ίδεαν συνορώντα άγειν τὰ πολλαχή διεσπαρμένα, ίν' ξααστον δριζόμενος δηλον ποιή περί ού αν αεί διδάσαειν εθέλη . . . et deinde τὸ πάλιν καὶ τὰ είδη δύνασθαι τεμνειν κατ' ἄρθρα Quas διαιρέσεις et συναγωγάς fuerunt qui ad duas vias inter se contrarias, quarum altera per divisionem descendat, altera per inductionem ascendat referrent. Mihi vero inductionis significatio ab hoc loco plane abesse videtur. Nam quod Plato dicit ea quae multifariam disjecta sunt in unam speciem colligenda esse, nihil amplius significat, quam, definitiones esse statuendas: has autem singulis rebus quae sub aliquam notionem cadunt collectis comparatisque per inductionem esse quaerendas, in verbis quae sunt είς μίαν ίδεαν συνορώντα ἄγειν τὰ πολλαχῆ διεσπαρμένα, non inest, et haec verba non minus ad contrariam viam, quae a superiore notione descendens dividendo ad aliquam definitionem pervenit, quam ad inductionem referri possunt. Quod si cui dubium videtur, consideret exempla, quibus Plato hoc ipso loco duas illas artis dialecticae methodos illustrat. Divisionis exemplum affert divisionem της παρανοίας, quam Socrates duabus orationibus Lysianae oppositis exposuerat: ad definiendi artem illustrandam affert ,, ωσπερ το νῦν δη περί Ερωτος ο έστιν δρισθέν", sed haec ipsa Amoris definitio per divisionem a latiore nagovolas notione descendendo inventa erat.

Atque ut breviter sententiam meam pronunciem, eam disputandi rationem, quae definitionem cuiusque notionis ita sectatur, ut singulas res sub hanc notionem cadentes colligat, observet, communes earum notas investiget, a Platonis dialectica arte alienam esse censeo, non quasi prorsus negem, hic illic exempla quaedam inveniri, in quibus, si ea accuratius examines, huius me-

thodi vestigia cernere possis (cf. δ μιμητής Rep. X, 597 E, το καλόν Gorg. 474 d), sed hoc dico, Platonem ubi accuratius agat et subtilius aliquam definitionem investiget, inductionem nec adhibere nec, quae est Platonicae doctrinae indoles, adhibere posse 1).

Plato enim, ubi fortitudinis definitionem quaerit, non eam sequitur fortitudinem, quam vulgare hominum judicium²) fortitudinem nuncupare solet, sed eam quae ideae virtutis adaequata est, illam autem vere fortitudinem esse negat. Quare definitionem suam non ex eorum exemplis qui fortes viri a vulgo praedicantur. potest elicere, sed rursus, ut de his recte judicetur, vera fortitudinis notio jam cognita esse debet. Velut quem Polus ad suam de beatitudine sententiam tuendam affert Archelaum Macedonum regem (Gorg. 470 d), hunc Socrates beatum esse nondum constare dicit; postea vero ubi cognitum est, quae vita vere sit beata, inde apparet, Archelaum miserum esse (479 E). Vel ad notionem vov πολιτιχού definiendam quosnam viros in republica spectatos Socrates sibi proponere debebat, cum Themistoclem et Cimonem et Periclem cives corrupisse censeret et ipse vel solus vel cum perpaucis aliis recte rebus civilibus operam dare sibi videretur (Gorg. 521 d)? Aristoteles quidem, ut μεγαλοψυχία inveniretur, investigandum praecepit, quid in Alcibiade, Achille, Ajace magnanimum videretur (anal. post. II, 13): Platonem vero, cujus de poetarum dignitate sententia satis nota est, quis censebit Homericas personas aptas judicasse, e quibus vera cujusque virtutis natura cognosceretur? 3).

¹⁾ Non nobis objiciendus est locus ille Convivii (210c sqq.), ubi describitur, quomodo a pulchris corporibus, pulchris moribus legibusque, pulchris scientiis ad ipsam pulchri ideam cognoscendo perveniatur. Nam primum quidem hic locus, qui παιδαγωγίαν πρὸς τὰ ἐρωτικά (210E), describit, non sine cautione ad dialecticam methodum est referendus, deinde comparato Phaedro (250 d) apparet, Platonem etiam hic cognitionem ideae non ex singularum rerum perceptionibus inter se collatis existere voluisse, sed ex obscurata ideae olim spectatae memoria, quae pulchris corporibus moribusque contemplandis resuscitaretur. De hac ἀναμνήσει paullo post uberius agemus.

²⁾ Ubi de vulgari judicio loquor, significo etiam poëtarum et sophistarum sententias, quas Plato interdum commemorat et examinat.

³⁾ Operae pretium est, diversas Platonis et Aristotelis de popularis judicii auctoritate sententias inter se comparare. Socrates Polo ex omnium Atheniensium consensu argumentum petenti, οὖτος ὁ ἔλεγχος, inquit, οὖδενὸς ἄξιός ἐσι πρὸς τὴν ἀλήθειαν. ἐνίσιε γὰρ ἄν καὶ καικαψευδομαρτυρηθείη τις ὑπὸ πολ-

In definitionibus igitur quaerendis eam ob causam Plato inductione non poterat uti, quia discerni nequit, quaenam exempla sub aliquam notionem cadant, quamdiu ipsa notio incognita est, et quia populare judicium quod hos fortes illos sapientes appellat propter ipsius fortitudinis et sapientiae inscientiam gravissimis erroribus decipitur. Ita res se habet in ethicis notionibus; eis autem in rebus in quibus communis vitae usus versatur, multitudinem recto saepe judicio uti concedit: velut quid sit argentum quid ferrum, homines recte intellegunt; ubi autem quaeritur quid justum bonumve sit, judicium eorum sanum non est sibique ipsum repugnat (Phaedr. 263a, cf. Alcib. I, 111b sq.): si summum humanae vitae bonum quaeris, medicus bonam valetudinem laudabit, corporis robur artis gymnasticae magister, argentarius autem omnes illos vehementer despiciens interrogabit, num quid bonum divitias dignitate superet (Gorg. 452). Sed illis, quae omnes satis norunt, Plato non dat operam, totumque ejus studium versatur in eis rebus, ubi vulgi opiniones instabiles errant: quarum definitiones si ex singulis exemplis ad communis judicii normam collectis elicere tentasset, necessario omnibus erroribus, quos multitudinis auctoritatem incertissimam reddere censebat, in philosopham disputandi rationem aditum patefecisset.

Jam vero, cum in definitionibus quaerendis inductioni a Platone locum concedi non potuisse demonstratum sit, dicendum nobis est, quam tandem partem inductio, quam ex Platonis dialectica non exclusam esse patet, sibi vindicet et quem in usum disputationi serviat. Non recte mihi videtur haec quaestio ab Heydero esse tractata, qui eam ob causam inductionem a Platone, quamvis ab ingenio ejus paullo alieniorem, retineri potuisse judicat, quod in philosophia ejus individuorum quoque ideae statuantur,

λῶν καὶ δοκούντων εἶναὶ τι (Gorg. 471 E). Vera demonstratio non multorum auctoritate nititur, sed unius hominis testimonio ejus quocum colloquium habetur: ἔνα ἐπιψηφίζειν ἐπίσιαμαι, τοῖς δὲ πολλοῖς οὐδὲ διαλέγομαι (474 a). Quod unus hic concedere coactus est, id non ut multitudinis sententia instabile est, sed δίδεται σιδηφοῖς καὶ ἀδαμαντίνοις δεσμοῖς (509 a). Nec expectandum, unquam multitudinem eis quae Socr. dicit assensuram, nam, ut ait Callicles (481c): εἰ τυγχάνει ταῦτα ἀληθῆ ὄντα ἃ λέγεις ἄλλοτι ῆ ἡμῶν ὁ βίος ἀνατετραμμένος ᾶν εἴη τῶν ἀνθρωπων, καὶ πάντα τὰ ἐναντία πράτιομεν, ὡς ἔοικεν, ῆ ἃ δεῖ; — Quibus jam confer Aristotelicas sententias, quales inveniuntur eth. Nic. I, 8, 1098 b 28, 11, 1101 a 23, VII, 14, 1153 b 26 sq.



a quibus ad generales per inductionem ascendendum sit. Omitto, hanc sententiam a Rittero prolatam, quae individuorum quoque ideas a Platone poni vult, probandam non esse (cf. quae contra hanc sententiam disputantur a Zellero Phil. d. Gr. II, 1. 422 adn. 3 edit. secund.): sed exempla inductionis, quae apud Platonem leguntur, et quorum nonnulla supra enarravimus, ea sunt, quae omnino de inductione ab individuorum ideis ad generales ideas ascendente ne cogitari quidem patiantur, sed plane alio spectent: nec qua ratione Plato inductionem fortasse adhibere potuerit, ratiocinandum est, sed qua ratione revera eam adhibuerit, exemplis

quae in dialogis exstant perpensis investigandum.

Atque ipsae quidem ideae quales sint inductione non patefieri vidimus: sed explicandum praeterea erat Platoni, qua ratione homines et cogitando et agendo cum ideis societatem inirent, animum ad illarum constantiam attolerent, vitam ad illarum normam Hunc humani animi conatum, qui ad ideas tendit, Plato non aliter repraesentare poterat, quam comparatione earum et cogitandi et agendi operationum, quae ad sensibiles res diriguntur: atque hic potissimum in Platonico disputandi genere inductioni locum dari arbitror. Respiciamus ad exempla Platonica. Ut appareat animum ubi notionem generalem cogitat, non fictam speciem sed rem vere existentem cogitare, adhibetur oculorum ceterorumque sensuum similitudo, quos, ubi sentiunt, ens sentire necesse sit. Ut manifestum fiat, nomina ab artifice illo qui nominum condendorum artem callet, non temere rebus imponi sed ad certam et constantem cujusque rei naturam accommodate, ita ut nomen ideam rei exprimat, comparantur qui aliquid secaturi vel crematuri naturam ejus, ne irritus sit labor, observare et illi suam operam accommodare debent. Ut intellegatur, qua ratione idea cognitione concepta in actionibus hominum regendis valeat, comparantur opifices, qui ubi aliquam artem didicerunt, opera sua recte et ad artis leges accommodate perficiunt: eadem ratione qui, quod justum ac forte est cognovit, juste ac fortiter vivit. Ut cognoscatur, quomodo vir sapiens homines meliores reddat animosque eorum ad δικαιοσύνην et σωφροσύνην conformet, comparantur pictores, domuum naviumque fabri, medici, quorum quisque id cui praeest ἀταξία liberat eique τάξιν et κόσμον infert (Gorg. 504). Ut perspiciatur, cui mandandum sit reipublicae gubernaculum, ut virtus in civibus nascatur, comparantur naves regendae et corpora sananda, quae nemo cuivis homini sed peritis-

simo cuique confidit.

Haec exempla, quae consulto ita elegimus, ut poneremus inductiones non quasi in transitu a Platone jactas, sed eas quae in condenda ejus philosophia majoris momenti sunt et pleraeque saepius ut sollemnes repetuntur, docent, quem locum inductionis methodus apud philosophum nostrum teneat. Ubi enim investigatur, quam rationem humana cogitatio et vita ad ideas habeat, quo modo et singuli cujusque hominis et reipublicae virtus existat, neque vero quaeritur vel pro cognito sumitur, qua ratione justi boni pulchri natura definienda sit, ibi maxime — non consulto fortasse sed natura rei ferente — inductionem a Platone adhiberi censeo.

Eis quae de inductione Platonica disputavimus, addenda sunt pauca de paradigmatum methodo, quae ab inductione si accurate spectas vix differt 1). Quando paradigma existat, optime in Politico (278 c) describitur. Παραδείγματος, inquit hospes Eleaticus, έστι τύτε γένεσις, δπόταν ον ταθτον έν έτερω διεσπασμένω (διεσπασμένον?) δοξαζύμενον δοθώς και συναχθέν, περί έκάτερον ως συνάμφω μίαν άληθη δόξαν αποτελή. Velut pueri qui literas discunt, in parvis facilibusque syllabis literas recte agnoscunt, easdem si in difficilibus syllabis inveniunt, ignorant: quos praeceptor jubet illas syllabas cum his conferre, ut intellegant, easdem literas in utrisque positas eandem ubique naturam servare, donec ignota notis comparandis recte intellexerint. — Sic Plato, priusquam difficiliores quaestiones aggrediatur, faciliores ejusdem generis praemittit, in quibus illarum methodus exerceatur: in Sophista definitionis τοῦ σοφιστοῦ investigationem praeparat quaerenda definitione τοῦ ἀσπαλιευτοῦ, in Politico, quomodo ή πολιτική a finitimis artibus segreganda sit, docet exemplo τῆς υσαντικής. Eadem ratione in Republica, cum quae sit singulo in homine justitia inventum non sit, facilius justitiam in republica inventum iri sperat, "οδόν περ ἂν εί προσεταξε τις γράμματα σμιχρα πόρρωθεν αναγνώναι μη πάνυ όξυ βλεπουσιν. Επειτά τις ενενόησεν ότι τὰ αὐτὰ γράμματα ἔστι που καὶ ἄλλοθι μείζω τε καὶ ἐν

¹⁾ Ipse Plato singula exempla in inductione collecta παραδείγματα appellat Phileb. 53 b. Certum illud discrimen, quo postea inde ab Aristotele utraque methodus distinguitur, ad nos nihil attinet.

μειζονι, ξομαιον αν ξφάνη, ολμαι, ξαεῖνα πρώτον ἀναγνόντας οὕτως ἐπισκοπεῖν τὰ ἐλάττω, εἰ τὰ αὐτὰ ὄντα τυγχάνει (Rep. II, 368 d). Hoc modo singulos in republica ordines singulasque animae partes perpetuam analogiam servare judicat, ut hae illis, illi his invicem illustrentur (cf. Rep. IV, 435 a παράλληλα σκοποῦντες). In Phaedro (246 a) dicit animae naturam explicare οἰον μέν ἐστι, πάντη πάντως θείας εἶναι καὶ μακρᾶς διηγήσεως · ῷ δὲ ἔοικεν, ἀνθρωπινης τε καὶ ἐλάττονος: quae igitur per se spectata difficiliora sunt, quam quae humanum ingenium intellegat, paradigmate facilius percipiuntur. Ad quem paradigmatis usum mythicae quoque narrationes, quibus Plato frequentissime utitur, sunt referendae: de quarum ratione uberius agere hujus loci non est.

Etiam ad aliorum sententias examinandas refellendasque Plato paradigmaticam methodum transtulit. Quae quis de difficiliore magisque recondita re disputavit, ea ita examinantur, ut investigetur, num etiam in apertiorem quandam rem, quam illi similem esse concessum est, cadant: ὥσπερ γὰρ ὁμήρους ἔχομεν τοῦ λόγου τὰ παραδείγματα οἰς χρώμενος εἶπε πάντα ταῦτα (Theaet. 202 E). Ita quod Antisthenes dixerat, prima rerum elementa (στοιχεῖα) λόγον non habere sed ἄλογα καὶ ἄγνωστα esse, id tentatur paradigmate quo ipse Antisthenes usus erat, literarum et syllabarum, conferendo: cumque Plato arbitretur, literarum cognitionem non modo esse, sed etiam multo clariorem firmioremque esse quam cognitionem syllabarum (l. c. 206 b), inde colligit, si omnino aliquid cognosci possit, multo maxime rerum elementa cognitionem admittere.

Superest, ut quaeramus, quam vim ad rerum cognitionem promovendam paradigmatica Platonis ratio habeat. Quod post ea, quae supra de inductione dicta sunt, breviter poterimus absolvere. Nemo autem negabit, opinor, hanc methodum per analogias procedentem, quae in remotissima quaque re occultas similitudines detegit, optimum saepe ad nova invenienda praesidium praebere 1), neque enim rerum natura solo distinguendi atque discernendi acumine accurato cognoscitur, sed opus est etiam jungendi atque comparandi sollertia; tamen vero quae tali modo inventa

¹⁾ Cf. quae de analogiis Platonicis dicuntur a Trendelenburgio log. Unt. II, 419 ed. tert.

sunt, ea non prius sunt pro veris accipienda, quam ratio ea undique tentaverit, num similitudo re vera existat numque in eis quae investigantur haec similitudo nec dissimilitudo, quae inter utramque rem intercedit, momentum exerceat. Qua in re Plato saepe in idem errorum genus, de quo supra actum est, incidit falsisque analogiis motus a veritate plurimum recessit. Velut politico, quem in cognomine dialogo describit, etiam invitis civibus leges quas optimas judicet, vi perferre licere exemplo medici demonstrat, qui si aegrotum contra ipsius voluntatem secando vel urendo sanat, non νοσώδη καὶ ἄτεχνα facere videtur (Pol. 296 c, Sed inter medicum interque politicum hoc gravissimum interest discrimen, quod illius ars solum corpus nec libertatem hominum spectat, quare qui hanc libertatem tollit, medicinae praecepta non offendit: politico autem, cum homines ut moralis libertatis participes debeat considerare, non licet ne ea quidem instituta, quae vel maxime salutaria judicat, vi illis inculcare.

Ceterum ex locis hand paucis concludi potest, ipsum Platonem recte intellexisse, quibus periculis paradigmatica methodus laboraret. In Phaedone quidem Simmias, cum Socrates animam non recte cum harmonia comparari demonstrasset, per falsum paradigmatis usum in errorem se inductum esse intellegit. Eyw δέ, inquit (92 d), τοις δια των είχυτων τας αποδείξεις ποιουμένοις λόγοις ξύνοιδα οδσιι άλαζόσι καὶ, ἄν τις αὐτοὺς μὴ φυλάττηται, εδ μάλα εξαπατώσιν: analogiae igitur ratione sunt tentandae et examinandae (φυλακτέαι), ut scientiam nostram extendant, non deci-Similiter quae in Republica de tribus animae partibus comparatione trium qui in civitate exstant ordinum exhibentur, probe scit, nondum satis accurate disputata esse, quia paradigmatica methodus ad perfectam rei cognitionem non perducat: azoβως μεν τούτο, inquit (Rep. IV, 435 d), εκ τοιούτων μεθόδων οίαις νῦν ἐν τοῖς λόγοις χρώμεθα, οὐ μή πυτε λάβωμεν, ἀλλὰ γὰρ μαχροτέρα και πλείων όδὸς ή έπι τοῦτο άγουσα 1). Nonnunguam Plato analogias, per quas id quod quaerit illustrare tentaverat,

postea refellit ac rejicit: ut in Cratylo rationem, quae inter res

¹⁾ Cf. Rep. X, 603 b, ubi ars poetica picturae similitudine erat descripta: μη τοίνον τῷ εἰκότι μύνον πιστεύσωμεν ἐκ τῆς γραφικῆς, ἀλλὰ καὶ ἐκ' αὐτὸ αὖ ἔλθωμεν τῆς διανοίας τοῦτο, ῷ προσομιλεῖ ἡ διὰ τῆς ποιήσεως μιμητική.

earumque nomina intercedit, comparat similitudini imaginis et rei depictae: quam similitudinem cum postea in nomina non quadrare intellexerit, aliam, inquit (432 c), quaerere necesse est nominum veritatem atque veritatem imaginum. - Longe autem gravissimum judicium de paradigmaticae methodi angustiis fertur in Politico (285 E sq.): τοὺς πλείστους, inquit, λέληθεν, ὅτι τοῖς μὲν ιων δντων δαδίως καταμαθείν αἰσθηταί τινες δμοιότητες πεφύκασι... τοῖς δ' αὖ μεγίστοις οὖσι καὶ τιμιωτάτοις οὖκ ἔστιν εἰδωλον οὐδὲν προς τους ανθρώπους είργασμένον έναργως . . . διο δεί μελεταν, λόγον ξχάστου δυνατὸν είναι δοῦναι χαὶ δέξασθαι. Qui vero in gravissima quaque et maxime recondita quaestione paradigmatum usum minimum esse censet, is inde, ubi maxime exemplis opus est, ea excludit, cum minores res magisque oculis patentes etiam sine exemplis facilius pertractari possint. Quod autem Plato loco citato admonet, ut, quae gravissima sunt, sine exemplorum comparatione per se spectemus et lóyov cujusque rei demus et accipiamus, id perducit nos ad Platonicam de definitione doctrinam explicandam.

§. 7. Dialectici primum officium est, ut ait Socrates loco supra commemorato, εἰς μίαν ἰδέαν συνορῶνια ἄγειν τὰ πολλαχῆ διεσπαρμένα, ἰν' ἐκασιον ὁριζόμενος δῆλον ποιῆ, περὶ οὐ ᾶν ἀεὶ δι-δάσκειν ἐθέλη ¹). Ac nomen quidem rei definiendae jam antequam definitio inventa est, eis qui illam quaerunt notum est, sed metuendum est, ne alius alium sensum huic nomini tribuat: δεῖ δὲ ἀεὶ πανιὸς πέρι τὸ πρᾶγμα αὐτὸ μᾶλλον διὰ λόγων ῆ τοῦνομα μόνον ξυνομολογεῖσθαι χωρὶς λόγου (Soph. 218 c). Definitio est λόγος τοῦ ὀνόματος (Pol. 267 a) quo non debemus induci, ut credamus, Platonem nominales quae dicuntur definitiones quaesivisse, nam definitio est etiam λόγος τῆς οὐσίας (Legg. X, 895 d): atque per definitionem cujusque rei essentiam multo magis decet proponere eis, qui id assequi sciunt, quam pictura ceterisque artibus (Polit. 277 c): hoc enim hominis est proprium eumque a bestiis distinguit, τὸ ξυνιέναι κατ' εἰδος λεγόμενον ἐκ πολλῶν ἰὸν αἰσθήσεων

¹⁾ Verbis εἰς μίαν ἰδέαν συνοςῶντα ἄγειν τὰ πολλαχῆ διεσπαςμένα conferenda sunt similia ad definiendi artem pertinentia: μίαν ἐπισημαίνεσθαί τινα φύσιν (Phileb. 25 a), ἰδέαν μίαν ἐπισφοραγίσασθαι (Polit. 258 c). — Rep. X, 596 a εἰδος γάς πού τι ἔν ἔκαστον εἰώθαμεν τίθεσθαι πεςὶ ἔκαστα τὰ πολλά, οἰς ταὐτὸν ὄνομα ἐπιφέρομεν.. — Polit. 285 b.

είς εν λογισμφ ξυναιφούμενον (Phaedr. 249b). Non autem definitionis loco singulae res, quibus nomen aliquod tribuitur, enumerandae sunt, sed id, quod omnibus commune est (ξν κατά πάντων Meno 73c), et propter quod illae hoc nomine appellantur, indicari debet (Theaet. 146 d sqq. Meno 71 E sqq., cf. Lach. 191). Ea autem definitio aptissime rei naturam indicat, quae ita est comparata, ut aliae res huic similes similibus definitionibus eadem ratione compositis possint denotari (Meno 76 d). Non vero in definiendo notiones, nisi quas cognitas esse supponitur, adhiberi licet: quare etsi recta, non apta tamen esse dicitur haec definitio. σχημα esse, δ τυγχάνει χρώματι ἀεὶ ξπόμενον (Meno 75b-d): nam poterit iterum interrogari, quid sit χρώμα: ἔστι δὲ ἴσως τὸ διαλεχτιχώτερον μη μόνον τάληθη αποχρίνεσθαι, άλλα χαι δι' έχείνων, ών αν προσομολογή είδεναι δ έρωτώμενος. Multo gravissimum autem est vitium, si ipsa res definienda in definitione inest, quem circulum Plato saepe vehementer vituperat (Meno 79 c, d. Rep. VI. 505 b. Theaet. 210 a). Neque id licet, qualitatem aliquam rei definiendae, quae non ad ipsam ejus essentiam sed ad fortuitam quandam relationem pertinet, definitionis loco afferre, velut si quis dicat, id quod quaeritur ex omnibus alicujus generis rebus maximum sive pulcherrimum esse: quod etiamsi àln965 esse potest, nondum tamen est oapes, nec est definitio, sed laudatio (Polit. 281d, cf. Gorg. 448d, 451d sq. Euthyphr. 9c). Neque illud admittendum est, ut aliquid in definitione insit, quod per se consentaneum est nec rem definiendam ab aliis destinguit: quod vitium castigatur in Menonis definitione (Men. 78 b), virtutem esse βούλεσθαί τε τάγαθα και δύνασθαι: nam τούτου λεχθέντος το μέν βούλεσθαι πασιν υπάρχει και ταυτη γε ουδίν δ ετερος του έτερου βελτίων: quare hoc ex definitione virtutis ejiciendum retinendumque solum. virtutem esse δύναμιν τοῦ πορίζεσθαι τάγαθά.

Commemorandum est praeterea — quamquam haud magnum inde momentum ad dialectica de definitione praecepta redundare mihi videtur — unitatem definitionis et multitudinem infinitam singularum rerum, quae sub illam cadunt, a Platone comparari cum metaphysicis principiis περατος et ἀπείρου (Phileb. 23 c). Quae comparatio minus feliciter contigit: quam si ad exempla quae in Philebo inveniuntur adhibemus, sententia illa Platonis plane in contrarium vertitur. Velut calidum frigidumque ad genus τοῦ ἀπείρου pertinet, cum infinitam naturam τοῦ μᾶλλου καὶ

ήττον admittat: in quam indeterminatam caloris materiam si πέρας immergitur, secundum Platonis doctrinam certa caloris mensura Gradus igitur caloris dependet a négatos natura; ipse calor, qui gradu determinatur, pertinet ad ἄπειρον. Qui autem calorem definire vult, is non certum quendam gradum debet definire — innumerabiles enim sunt singuli gradus —, sed ea ένεογεια definienda est, cujus variae mensurae illi gradus sunt: quare ipsum id quod definitur, hic respondet ἀπείρω, singula quae sub definitionem cadunt, variis πέρασω. Sed mittamus haec, quae minus necessaria sunt, et ad eam quae jam tractanda est quaestionem nos convertamus: explicandum enim est, qua ratione Plato ad definitiones disputando pervenire et quae potissimum 'in eis quaerendis spectare soleat. Qua de re ita agere commodum est, ut nonnulla, quae ad veram notionum vim inveniendam erroribusque purgandam spectant, etiamsi non proprie ad definitiones quaerendas referentur, huc propter methodi similitudinem trahamus.

§. 8. Ut vera cujusque rei natura noscatur, imprimis opus est, ut falsae opiniones, quae veritatem abscondunt, refutentur, efficiendumque est, ut homines, quae ignorant, ea ignorare se intellegant: philosophia enim, sicut ab eo aliena est qui omnia animo complectitur — neque enim quae quis jam habet ea quaerit — ita ne ei quidem contingit, qui tantopere erroribus obnoxius est, ut cum nil sciat, satis jam veritatis particeps esse sibi ipse videatur (Conv. 204 a). Demonstrandum igitur est hominibus, opiniones eorum ipsas sibi repugnare: ἐπιδειχνύουσιν (scil. οὶ φιλόσοφοι) αὐτας (τὰς δόξας) αὐταῖς ἄμα περὶ τῶν αὐτῶν πρὸς τὰ αὐτὰ κατὰ ταὐτὰ ἐναντίας (Soph. 230 b) 1).

Sed hac ratione nondum positiva cognitio ejus quod investigatur exsistit: si communis hominum sententia duo contradictoria continet, in incerto relinquitur, utrum sit verum, utrum falsum. Ac ne omnes quidem vulgi errores eo possunt everti, ut interna eorum repugnantia demonstretur: saepe enim opinio quaedam, quamvis falsa sit, ipsa tamen sibi constat (Crat. 436 d). Quare philosophus, nisi certum aliquid haberet praeter temerarios multitudinis errores, non posset ad id quod quaerit pervenire: $\pi \tilde{\omega}_s$ yàp δύναιτ

¹⁾ Exemplum vide in Gorgia 460 E sq., ubi Gorgiana rhetorices definitio ita refellitur, ut Gorgiam ipsum sibi repugnare appareat. Similia dialogi tantum non omues continent.

αν τις αρχόμενος από δόξης ψευδούς έπι τε της αληθείας και σμικρον μέρος αφικόμενος κιήσασθαι φρόνησιν; — σχεδον ούδαμῶς (Polit. Sed unde philosopho, si in vulgari hominum opinione auctoritas nulla inest, certum dari potest fundamentum, quod erroribus exemptum ad veram ejus rei quae investigatur naturam spectet, quam cognitam nondum habet? Sic Meno Socratem interrogat (M. 80 d): τίνα τρόπον ζητήσεις ιοῦτο δ μη οίσθα ιο παράπαν, δ τι έστι; ποιον γάρ ών σύχ οίσθα προθέμενος ζητήσεις; η εὶ καὶ ὅτι μάλιστα ἐντύχοις αὐτῷ, πῶς εἴσει ὅτι τοῦτό ἐστιν δ σὺ οὐκ ήδεισθα; ad quam dubitationem Socrates respondet ita, ut animam nostram ante hanc vitam omnium rerum veritatem intuitam esse doceat, quarum memoriam obscuratam cum recuperemus, nos discere aut invenire quamque rem videri, cum revera omnis doctrina nil sit nisi ἀνάμνησις: velut servus Menonis aptis Socratis interrogationibus eo perducitur, ut de quadratis recte respondeat, quae ipse antea nunquam didicerat. — Itaque, ut ex Platonis sententia id solum quod ad nostram quaestionem spectat teneamus mysticis involucris missis, immediata quaedam conscientia, non clara illa et distincta sed obscura atque confusa, ejus quod investigatur, jam adest in animo nostro, quae dialectica methodo suscitari debet certisque terminis circumscribi "ίνα ὕπαρ ἀντ' ὀνείρατος ἡμῖν γενηται" (Pol.).

Tamen vero hanc ἀνάμνησιν laudando Socrates nondum totam Menonis quaestionem solvit: restat gravior difficultatis pars. Nam conscientia illa veri, quamvis non sine jure quasi anima artis dialecticae, quae omnem regit, possit appellari, tamen ut in logica notionum disquisitione ullum momentum exercere possit, logicas quasdam formas induat oportet: quod nisi facit, efficax et ad

notiones investigandas utilis esse nequit.

Hoc quod significavimus, ut immediatae veri memoriae in disputando momentum vindicaretur et ad alienas opiniones refellendas et ad propriae sententiae fundamenta condenda, Plato artibus vel maxime variis assecutus est, quae ad communes formas redigi vix poterunt. Nonnullis tantum in exemplis eandem vel similem disputandi formam redire observari potest. Velut definitio alicujus notionis ad vulgarem opinionem sive sophistarum doctrinam accommodata ita interdum examinatur, ut, cum vera ac plena illius notionis vis nondum perspecta sit, teneatur tamen ex immediata de qua diximus cognitione profectum signum aliquod, quo

illa notio agnoscatur (liceat mihi id vocabulo parum latino appellare criterium): cui criterio si proposita definitio non respondet, vera esse nequit: ipsum vero criterium sine demonstratione per se constat.

Tali modo Plato agit in Theaeteto, ubi ad επιστήμης notionem inveniendam examinatur sententia Theaeteti, qui επιστήμην Sensuum, inquit Socrates, alius docet, esse αΐσθησιν posuerat. quae sit figura et color cujusque rei, alius, quis sonus, reliqui reliqua: ipsa autem anima singulorum sensuum perceptiones inter se jungit, comparat, similitudines dissimilitudinesque observat. ούσίαν denique et τὸ μη είναι cujusque rei cognoscit. Jam vero, etiamsi επιστήμης notio nondum nota est, hoc tamen dubitationi exemptum constat, id quod οδσίαν et άλήθειαν rerum non attingat, επιστήμην esse non posse. Οἰόν τε οὖν άληθείας τυχεῖν, ῷ μηδὲ ουσίας; — αδύνατον — ου δε αληθείας τις ατυχήσει, ποτε τούτου έπιστήμων έσται; — καὶ πῶς ἄν ὧ Σώκρατες; — ἐν μὲν ἄρα τοῖς παθήμασιν ούκ ένι επιστήμη, εν δε τῷ περί εκείνων συλλογισμῷ. οδσίας γάρ και άληθείας ένταῦθα μόνον ώς ξοικε δυνατόν άψασθαι. êxei dè ddivarov (Th. 186 c, d). Immediata igitur conscientia, quae ἐπιστήμην postulat extra fluctuantem singularum rerum perceptionem sitam ad rerumque οὐσίαν et ἀλήθειαν pervenientem. prohibet, ne Protagorea sententia, quae scientiam in αίσθήσει positam esse vult, accipiatur, et fundamentum praebet ad scientiae naturam altius investigandam, quam jam non in αἰσθήσεως sed in δόξης ditione quaerendam esse constat.

Similiter in Phaedone (69 a sq.) Socrates refellit communem hominum sententiam, qui virtutem eo contineri arbitrantur, ut minora mala majoribus, majores voluptates minoribus praeferamus. Μη οὐχ αῦτη, inquit, ἢ ἡ ὀρθη πρὸς ἀρετην ἀλλαγή, ἡδονὰς πρὸς ἡδονὰς καὶ λύπας πρὸς λύπας καὶ φόβον πρὸς φόβον καταλλάττεσθαι, καὶ μείζω πρὸς ἐλάιτω ώσπερ νομίσματα, ἀλλ' ἢ ἐκεῖνο μόνον τὸ νόμισμα ὀρθόν, ἀντὶ οὐ δεῖ πάντα ταῦια καταλλάττεσθαι, φρόνησις, καὶ τούτον μὲν πάντα καὶ μετὰ τούτον ἀνούμενά τε καὶ πιπρασκόμενα τῷ ὄντι ἢ καὶ ἀνδρία καὶ σωφροσύνη καὶ δικαιοσύνη, καὶ συλλήβδην ἀληθης ἀρετὴ ἢ μετὰ φρονήσεως . . ., χωριζόμενα δὲ φρονήσεως . . μὴ σκιαγραφία τις ἢ ἡ τοιαύτη ἀρετή. Divinamus igitur ex interna virtutis conscientia, quam etiam priusquam notionem ejus perspexerimus, tenemus, veram virtutem non in sordida quadam compensatione voluptatum dolorumque versari, sed in sa-

pientia, quae omnibus animi conatibus, quibuscum juncta est, dignitatem tribuit. Ideirco igitur Socrates quam vulgus collaudat fortitudinem inanem σχιαγραφίαν esse contendit, quia repugnat criterio illi ex innata virtutis conscientia derivato, quod virtutem

in commutatione voluptatum dolorumque poni vetat.

Diversam rationem disputatio in Euthydemo (278 E sqq.) sequitur, quod exemplum eo magis ad cognoscendam artem dialecticam adhibere decet, quia ipse Socrates hoc loco se sophistarum nugis suae methodi specimen oppositurum esse profitetur. Quaeritur autem quae sit vera beatitudo: atque initio quasi totius disputationis fundamentum ponitur, beatum esse, cui multa bona sint. Bona autem sunt divitiae, sanitas, nobilitas, honores, temperantia, fortitudo cet. Sed haec omnia per se nondum sufficiunt (280 b), nam qui quam plurima bona possidet, si eis non utitur, beatus nondum est. Quare ad ziñow bonorum debet accedere zoñois, sed ne hoc quidem sufficit, nam qui male utitur, ne is quidem beatus est, debet igitur χρησις esse δοθή. Recte autem omnibus rebus utitur qui ἐπιστήμην habet, eaque εὖπραγίαν hominibus praebet. Quae vero supra enumerata sunt bona, ea per se nihil ad beatitudinem conferunt: nam qui male eis utitur, eo miserior fit, quo sunt majora: tum denique, ubi sapientia illa regit, beatitudo exsistit: beatitudo igitur posita est in sapientia. — Hujus quem adumbravimus loci logicum schema est hoc. Ponitur notio A (τὸ εὐδαιμονεῖν) quae investiganda est. Enumerantur singula elementa α , β , γ (divitiae, sanitas etc.) quae secundum vulgare judicium notionem A efficiunt. Sed haec elementa per se, si quis accuratius spectat, nondum sufficiunt atque aliquem factorem m (nostro loco χρησις) desiderant, quocum conjuncta notionem A efficere videntur. Hoc m iterum, ut A exsistat, aliam notionem n requirit $(\partial \rho \partial \dot{\eta})$ $\chi \rho \ddot{\eta} \sigma \iota s$, $\dot{\epsilon} \pi \iota \sigma \tau \dot{\eta} \mu \eta$): sine qua non magis notionem A quam - A potest gignere (divitiae, si male utimur, reddunt miserum): hoc n demum invento plena vis notionis A Ac fieri potest, sicut nostro exemplo intelligitur, perspecta est. ut notio n postremo loco inventa multo magis necessarie ad essentiam notionis A pertineat, quam ea quae vulgare judicium statim initio offerebat, α , β , γ : divitiae enim, honores, reliqua illa nil nisi externam speciem beatitudinis habent, vera autem beatitudinis vis versatur in επιστήμη quae illis δοθήν χοήσω praebet.

Ubi vero notio quae investigatur non, ut notiones beatitu-

dinis, fortitudinis cet., ex vulgarium errorum inconstantia eximi debet, sed ipsa suapte natura in horum errorum ditione versatur — quod ita se habet, ubi v. c. definitio sophisticae sive rhetoricae artis quaeritur —, talibus in notionibus quaerendis Plato munus dialecticae artis id esse existimat, ut quas artes vulgus admiratur, eas speciem tantum veritatis, non veritatem attingere demonstret: velut cum Gorgias definiret rhetoricam persuadendi artem de justo et injusto, Socrates honestum ac liberale artis nomen ab ea abjudicat eamque ἄτεχνον τριβήν sive κολακείαν definit, quae non bonum sed boni speciem sectans hominum animos jucunditate permulceat. Similiter Socratica sophistae definitio, quae illum in φανταστικώ γένει της είδωλοποιικής versari dicit (Soph. fin.), contraria est definitionibus, quas in Protagora et Hippocrates et deinde ipse Protagoras proferunt: quorum ille sophistam definit esse, quod nomen ejus significet, τὸν τῶν σοφῶν ἐπιστήμονα, hic dicit eum artis politicae magistrum esse: quam fallacem sapientiae speciem Socrates, ubi quis sit sophistes quaerit, illi detrahere studet. —

Exposui, ut potui, quid Plato in definiendis notionibus communi judicio opponere, quid ipse sectari soleat. Dicendum jam est quam brevissime, qua ratione Plato angustiores definitiones extendere, latiores accuratius determinare consueverit, ac deinde ad methodum divisionis, cui praecipuam partem in definitionibus quaerendis Plato tribuebat, transeundum. —

S. 9. Quam facile in definiendo ita peccaretur, ut definitio aut angustius aut latius pateret quam res definienda, Platonem non fugit; ac fere ubicunque alicujus rei definitio investigatur, videmus, Socratem aut hunc aut illum errorem notare. Menoni quidem, cum virtutem definivisset τὸ ἄρχειν οἰόντ εἶναι τῶν ἀν-θρώπων (Μ. 73 c), objicitur a Socrate: ἀλλ' ἄρα καὶ παιδὸς ἀρετη ἡ αὐτη καὶ δούλου, ἄρχειν οἵφ τε εἶναι τοῦ δεσπότου; — Item cum Laches in dialogo cognomine (191) fortitudinem dicat esse ἐν τῆ τάξει μένοντα ἀμύνεσθαι τοὺς πολεμίους καὶ μὴ φεύγειν, Socrates opponit, non solum se quaerere τοὺς ἐν τῷ ὁπλιτικῷ ἀνδρείους, sed etiam τοὺς ἐν ξύμπαντι τῷ πολεμικῷ εἴδει, nec solum in bello sed etiam in mari, in morbis, in doloribus voluptatibusque, omnes denique qui fortes dicantur. — Angustiores igitur sunt hae definitiones, quam quae notionum definiendarum ambitum aequent. Multo frequentius autem est oppositum erroris genus, ut definitio

nimis late pateat: quod Plato saepissime ac fere eisdem semper verbis castigat. Velut in Protagorae loco modo commemorato (312c), cum Hippocrates sophistam definivisset τὸν τῶν σοφῶν έπιστήμονα, Socrates: οὐχοῦν τοῦτο μέν, inquit, έξεστι λέγειν καὶ περί ζωγράφων και περί τεκτόνων, διι ούτοι είσιν οι των σοφων επιστήμονες · άλλ' εἴ τις ἔροιτο ήμᾶς, τῶν τί σοφῶν κτλ. Quibus Socrates efficit; ut Hippocrates, quod modo responderat, accuratius circum scriberet ac diceret σοφιστήν esse επιστάτην τοῦ ποιήσαι δεινόν λεγειν. Sed ne hoc quidem Socrati sufficit: ἴσως ἄν ἀληθη λεγοιμεν, οδ μέντοι εκανώς γε ερωτήσεως γαρ έτι ή απόκρισις ήμεν δείται, περί ότου δ σοφιστής δεινόν ποιεί λέγειν κτλ. Hujus methodi, qua nimis latae definitiones compluribus deinceps notis additis arctius circumscribuntur, exemplum luculentissimum reperitur initio Gorgiae, ubi a vaga Gorgiae definitione, rhetoricam esse περί λόγους, successive determinando eo pervenitur, ut rhetorica dicatur esse πειθούς δημιουργός πιστευτικής περί το δίκαιον και άδικον, cujus disputationis summa cum arte compositae diversos gradus enumerare longum nec necessarium est 1).

§. 10. Haec determinandi ratio perducit nos ad doctrinam de divisione perlustrandam, cujus methodi a Platone vel maxime celebratae accuratissima praecepta traduntur in Sophista et in Politico, ubi et quomodo sit dividendum et quomodo divisiones in

definitionibus quaerendis adhiberi debeant, docetur.

Dividendi methodum Plato tanti facit, ut eam a deis per alterum Prometheum quasi lucem, qua distinguantur ea, quae tenebrae confusa permiscent, hominibus datam esse praedicet (Phileb. 16 c sq.); atque veteris temporis sapientes ad posteriores hanc cognitionem propagasse fabulatur ως εξ ξνὸς μὲν καὶ πολλῶν ὄντων τῶν ἀεὶ λεγομένων εἶναι, πέρας δὲ καὶ ἀπειρίαν ἐν ξαυτοῖς ξύμφυτον εχόντων: quare ubi infinitam singularum rerum varietatem una idea comprehenderimus, deinde investigandum esse, nonne in hac idea duae vel tres ideae insint, atque harum unamquamque iterum eadem ratione tractandam esse, donec a generis unitate per specierum certum ac definitum numerum ad singularum rerum infinitam multitudinem pervenerimus ²).

¹⁾ Similem methodum invenies Lach. 192 c, ubi de fortitudine agitur, Rep. I. 332 E sq., ubi justitia tractatur, aliisque locis plurimis.

²⁾ Vocabula, quibus Plato divisionem significat, pleraque a frangendi

Dividendum autem est non qualibet ratione, sed ut natura rei dividendae fert, κατ' ἄρθρα ή πέφυκε, καὶ μὴ ἐπιχειρεῖν καταγνύναι μέρος μηδέν κακού μαγείρου τρόπω χρώμενον (Phaedr. Optima autem divisio est dichotomia 1) eaque medium genus dissecans 2): neque vero una parva species multis emagnisque opponenda, velut si quis numeros in μυριάδα et reliquos numeros, homines in Graecos et barbaros dividere velit (Pol. 262). Non dividendum est είδους χωρίς, sed το μέρος αμα είδος εχέτω (l. c. 262 a): id est, si notioni A subjectae sunt α , β , γ , δ , ε , ζ , e quibus α , β , γ et δ , ε , ζ idem eldos exhibent, A non dividendum est in $(\alpha + \beta)$ et $(\gamma + \delta + \varepsilon + \zeta)$ — haec enim essent μέρη είδους χωρίς — sed ita dividere debemus, ut μέρος simul habeat eldos: $(\alpha + \beta + \gamma)$ $(\delta + \varepsilon + \zeta)$. — Mégos igitur latius patet quam sidos: ως είδος μέν όταν ή του, καὶ μέρος άναγκαῖον αθτό είναι του πράγματος ότου περ αν είδος λέγηται, μέρος δε είδος οὐδεμία ἀνάγκη (Pol. 263 b) 3).

Ex dichotomia bis adhibita nascitur quadripartitio κατὰ πλάτος et κατὰ μῆκος (Soph. 266a), cujus exemplum habemus in Gorgia (c. 19, 20). Ibi τέχναι, quae εὐεξίαν, et κολακελαι, quae δοκοῦσαν εὐεξίαν efficiunt, ita dividuntar, ut primum quidem distinguantur, quae ad corpus et quae ad animum pertinent, deinde quae εὐεξίαν conservant et eae quae turbatam restituunt; unde

haec nascitur descriptio:

similitudine sunt ducta: καταθραύειν, σχίζειν, κατακερματίζειν, τέμνειν, διαιρεῖν, διορίζειν. — Discrimen inter diversas ejusdem generis species intercedens est διαφνή, διπλόη. Ratio inter genus interque ejus species intercedens exprimitur vocabulis a spatio translatis (cf. Kiesel de conclusionibus Platonicis, Düsseld. 1863, p. 1): περιέχεσθαι, περιλαμβάνεσθαι, περικαλύπτειν, τάξιν είληχέναι, ἐν τῷ μοίρα τινὸς εἶναι.

¹⁾ διχάζειν Pol. 264 d.

²⁾ διά μεσων λέναι 262 b, μεσοτομεῖν 265 a, cf. την άγνοιαν λδόντες εἴ πη κατά μεσον αὐτης τομην έχει τινά. Soph. 229 b.

³⁾ Aliis locis Pl. terminis μέζος et εἶδος sine discrimine utitur, velut Pol. 306 b; saepe etiam γένος et εἶδος permiscentur (Pol. 288 E, Tim. 58 c sqq.). Quod Pl. inter μέζος cui respondet ὅλον et εἶδος, cui respondet γένος, non satis distinguit, eo nonnumquam in errores inducitur. Id quod de genere valet, valet de omni specie, sed non, quod de toto valet, valet etiam de quavis parte: quae Plato interdum permiscet, cf. Parmen. 145 d, Crat. 385 b,c.

A. τέχναι, cf. Soph. 228 e sq.

	in corpore	in animo.				
conservantes	γυμναστική	νομοθετιχή *				
restituentes	ໄατρική	διχαιοσύνη.				
	B. κολακεῖαι. in corpore in animo.					
conservantes	χομμωτιχή	σοφιστιχή.				
restituentes	μαγειριχή	ξητ οριχή.				

Ibi tandem, ubi dichotomia adhiberi nequit, plures partes admittuntur: κατὰ μέλη τοίνυν . . . διαιρώμεθα, ἐπειδή δίχα ἀδυνατοῦμεν. δεῖ γὰρ εἰς τὸν ἐγγύτατα ὅτι μάλιστα τέμνειν ἀριθμον ἀεί (Pol. 287 c). Saepissime autem Plato trifariam dividit in duo contraria et id quod medium intercedit (τὸ μεταξὺ τούτων), velut Gorg. 467 e, Lys. 216 d, Phileb. 43 d, e, Conv. 201 e sq., 202 d, Rep. II init.

De certa norma principii divisionis inveniendi Plato omnino non videtur cogitasse: eadem notio varias divisiones admittit, quarum modo haec modo illa eligitur, ut quaeque ad id quod quaeritur maxime idonea videtur (Pol. 258 c sq., 265 d): velut τέχναι dividuntur in Sophista in ποιητικάς et κιητικάς, in Politico et Gorgia (450 c) in γνωστικάς et πρακτικάς. Ad finem pervenit divisio, ubi ea assecuta est, quae amplius dividi non possunt, quae ἄτμητα sive ἄτομα dicuntur (Phaedr. 277 b, Soph. 229 d): ultra quae infinita singularum rerum varietas sita est (τὸ ἄπειρον Phileb. 16 e), quam cognitionem admittere Plato non magis quam Aristoteles censet.

Explicandum jam est, quomodo Plato hanc dividendi rationem, qualem descripsimus, in definitionibus quaerendis adhi-Appellari autem solet definitionis per divisionem investigatio ἀπόδειξις (Pol. 273 e, 277 a). Cujus methodi tantam esse vim Plato sibi persuasit, ut nulla notio, si hac ratione investigaretur, in dubio relinqui posset: πάντως, inquit, οὖτε οὖτος (scil. δ σοφιστής) ούτε άλλο γένος ούδεν μήποτε έχφυγον επεύξηται την τών ούτω δυναμένων μετιέναι καθ' έκαστά τε και έπι πάντα μέθοdov (Soph. 235 c). Videamus igitur per singulas divisoriae methodi partes gradusque, qua ratione Plato id cujus definitio investigatur, divisionibus manifestum reddere studeat. - Sicut hominem aliquem quaerentes multum iam profecimus, ubi domum, in qua habitat, invenimus, sic notionem investigantes multum sumus assecuti, si genus, quod illam complectitur, nobis est notum (Phileb. 61 b). Tamen vero in copiosissimis divisoriae methodi exemplis sophistae et politici non accuratius exploratur, quod genus dividi debeat, ut intra species ejus id quod quaeritur inveniatur: ubi sophista quaeritur, hospiti Eleatico a Theaeteto statim initio simpliciter conceditur, sophistam esse non ίδιώτην sed τεχνην έχοντα, quare dividitur notio τέχνης: similiter πολιιικός sine illa investigatione statim ab initio disputationis refertur inter τους ἐπιστήμονας (Pol. 258 b): unde sequitur, notionem scientiae dividendam esse, ut politicus inveniatur. — Eadem ratione ubi generalis notio in species - plerumque duas - divisa est, item a mera conjectura pendet, utra species eam notionem quae quaeritur contineat. Velut cum επιστήμη divisa sit in γνωστικήν et πρακτινήν, de rege ,,τόδε γε δηλον", non manibus et corporis robore eum imperium exercere, sed animi vi ac consilio (Pol. 259 c); quare politica ars ad γνωστικήν επιστήμην refertur, et haec amplius dividitur. Ac saepe quidem sine erroris periculo dijudicari potest, utra in parte id quod quaeritur ponendum sit: quare in $d\sigma n\alpha$ λιεντή quidem definiendo, quem omnes satis norunt, divisio opportune cedit. At cum sophistae δυσθήρατον γένος quaeritur, saepius accidit, ut sophista modo in hanc modo in illam speciem, quarum altera alteram excludit, referatur: verbi causa cum ars sophistae, quia sapientiae commercium exercet, inter ἀγοραστικήν collocata sit, ἀγοραστική dividitur in αὐτοπωλικήν et μεταβλητικήν, μεταβλητική rursus in καπηλευτικήν et εμπορικήν: deinde sophista modo αἶτοπωλικός modo μεταβλητικός dicitur esse, modo κάπηλος modo ξμπορος. Itaque cum disjunctiones per quas

methodus procedit, non tales sint, ut sophista in alteram partem necessario referendus sit, ex altera excludatur, non una invenitur definitio sed sex, prout sophista modo ad hoc modo ad illud genus refertur: quarum definitionum quae ultimo loco posita est, cum inventa sit divisione καθαριικής, cui omnino sophistica ars non est subjecta, magis philosophum quam sophistam denotare videtur 1). Has definitiones omnes Plato a vero aberrare significat, quia id quod maxime essentiam sophistices exprimat eamque a ceteris omnibus artibus distinguat, nondum assecutae sint: ἀρ' οὖν ἐννοεῖς, inquit hospes Eleaticus (232 a), ὅταν ἐπιστήμων τις πολλών φαίνηται, μιᾶς δὲ τέχνης ονόματι προσαγορεύηται, τὸ φάντασμα τοῦτο ώς οὐκ ἔσθ ύγιες, ἀλλὰ δηλον ώς δ πάσχων αὐτὸ πρός τινα τέχνην οδ δύναται κατιδείν έκείνο αδτής, είς δ πάντα τὰ μαθήματα ταύτα βλέπει, διό και πολλοίς δνόμασιν άνθ ένὸς τὸν έχοντα αὐτὰ προσαγορεύει; Quamobrem ut reperiatur id quod vere sophistae naturam constituit, Eleates unum quiddam quod maxime eum denotare videtur, proponit (εν τι μοι μάλιστα κατεφάνη αθτον μηννον 232b), nempe quod αντιλογικός est omnibusque de rebus altercatur, quas cunctas vere didicisse non potest, sicut pictor omnia pingit, licet naturam eorum non intelligat: est igitur sophista ut pictor μιμητής δοξαστικός. Jam disputatio firmum nacta est fundamentum, unde divisio, quae antea vaga errabat, certo itinere ad rei quaesitae notionem accederet: quare primum quidem τέχνη, quae etiam nunc summi generis locum retinet, ita dividitur ut perveniatur ad μέμησω, deinde μέμησω dividitur, donec sophistae definitio inventa est.

Assecuti autem sumus definitionem quam investigamus, si possumus τὰ κοινὰ πάντα περιελόντες τὴν οἰκείαν λιπόντες φύσιν ἐπιδεῖξαι (Soph. 264 e): qua in re facillime erratur, ut divisio jam ad finem videatur pervenisse priusquam omnes alienae notiones sint exclusae (Polit. 267 d sqq.): ac maxime a similibus notionibus quae facile confunduntur cavendum est, ne nos lateant (Soph. 231 a, Pol. 303 d sq., cf. Phaedr. 262 a). Talis error ubi commissus est, divisio ulterius debet continuari, donec ea quoque, quae fefellerant aciem, secreta sint (Pol. 287 b sqq.).

¹⁾ Cf. Bonitz platon. Studien II. Abh. der Wien. Akad. phil. Cl. 1860, p. 310. Bonitzius totum hunc locum tam accurate pertractavit, vix ut quicquam adjiciendum reliquerit.

§. 12. His explicatis sequitur, ut disputemus, quaenam Plato cum de divisionibus ipsis tum de definitionibus per divisiones condendis bene, quae minus recte praecepisse videatur. mum quidem de dichotomiis Platonicis quid sentiamus dicendum est. Quae dividendi ratio immerito trichotomiae ceterisque divisionibus a Platone nimio studio videtur esse praelata, cum multa eam admitterent, plurima in se non reciperent: velut homines in mares feminasque dividuntur (Pol. 252 e); nomina si Plato divisisset, his duobus tertium genus adjicere debebat: polyedra regularia aut quinque aut, si dividuntur secundum polygona quibus terminantur, tres efficient species. Quod autem omnia genera, quae in Sophista et Politico tractantur, in binas species dissecantur, id Plato magna ex parte artificio minime laudando assecutus est: nam cum ejus generis quod dividebat, unam speciem notavisset, reliquas una negativa notione comprehendit (A est aut B aut — B): quoniam autem negatione non significatur, quid illud sit, de quo agitur, haec negativa species nec amplius dividi potest nec dijudicari, utrum revera una sit species an plures, ut dichotomia esse videatur, non sit 1). Ubi vero Plato non secundum contradictorie opposita dividit, fere nunquam species, quas statuit, totum ambitum notionis divisae comprehendunt: velut si τεχνη est aut ποιητική aut κτητική, quorsus pertinent artes, quae nec componunt quicquam nec sibi comparant, sed quae res compositas aut ordinant aut ne turbentur prohibent, velut ars politica et militaris? Praeterea quas res natura arctissime conjunxit, eas saepe dichotomia non apto principio divisionis utens dissociat, vel eadem res et in hanc et in illam divisionis partem est referenda, ut supra vidimus sophistam non minus ad αλλακτικήν quam ad χειρωτικήν, in quas secatur κτητική, pertinere.

Quamobrem mirandum non est, quod Plato inde ab antiquissimis temporibus usque ad nostram aetatem in multorum acerbam

¹⁾ Exemplum vide Soph. 224 b, c: ταύτης τοίννν τῆς μαθηματοπωλικῆς τὸ μὲν περὶ τὰ τῶν ἄλλων τεχνῶν μαθήματα ἐτέρφ, τὸ δὲ περὶ τὸ τῆς ἀρετῆς ἄλλφ (ὀνόματι) φροσρητέον. — Platonem fortasse non fugisset, hanc dividendi rationem esse vitandam, si in Sophista et Politico utramque speciem eidem generi subjectam amplius dividere tentasset: nunc, ubi ad notionem quam quaerebat deprehendendam alteram modo speciem dividere necesse erat, non animadvertit, talibus locis divisionem impediri.

nec iniustam vituperationem ob hanc dividendi methodum incidit 1): tamen errori eius aliquid recti subesse non est negandum. Quod enim praecipit (Pol. 287c) δεῖν εἰς τὸν έγγύτατα ὅτι μάλιστα τέμνειν ἀριθμον ἀεί, ut paullatim ab unitate ad multitudinem descendamus nec statim illam in hanc dissolvamus, in eo recte naturam ac finem divisionis perspicere mihi videtur. Nam cum divisio hoc sequatur, ut disponat ambitum notionis dividendae, quem quamdiu incompositus est animo concipere non possumus (sicut ea quae inordinatum chaos imitantur, difficillime, seriem certo ordine compositam facile perlustramus), debet divisio quam longissime recedere ab incondita multitudine plurium specierum coordinatarum: a qua quo propius abest, eo minus animum indigesta illa atque incomposita mole liberat, quam comprehendere et memoriae mandare nequimus?). Qua ratione per se laudanda quamvis Platonem longius abreptum esse concedamus, ne id quidem obliviscamur, ipsum, ubi dichotomiae locus non datus esset, plura membra facienda concessisse (Pol. 287c), nec eum fugisse, in propria rei dividendae natura legem quam divisio sequi debet esse positam, quam legem, etsi ipse fortasse neglexit, tamen neglegendam non esse graviter praecepit (Phaedr. 265e).

§. 13. Quae vero methodus ad nota ordine disponenda usui est, eam Plato dum ad ignota invenienda transfert, nihil sani mihi videtur esse assecutus. Ac jam externa species definitionum hac ratione inventarum est durissima. Sophistica quidem ars definitur (Soph. fin.) τὸ τῆς ἐναντιολογοποιταῆς εἰρωνιαοῦ μέρους τῆς δοξαστιαῆς μιμητιαῆς τοῦ φανταστιαοῦ γένους ἀπὸ τῆς εἰδωλοποιταῆς οὐ θεῖον ἀλλ' ἀνθρωπιαὸν τῆς ποιήσεως ἀφωρισμένον ἐν λόγοις τὸ θαυματοποιταὸν μόριον: quae definitio — si quidem molesta haec circumscriptio omnino definitio potest nominari — eandem rem pluries repetit, cum uniuscujusque generis notio in notione speciei subjectae iterum contineatur (εἰδωλοποιταή latet in φανταστιαῆ, utrumque in

¹⁾ Arist. de part anim. I. 2. 642 b 17 εἶπες οὖν μηδὲν τῶν ὁμογενῶν διασπαστέον, ἡ εἰς δύο διαίρεσις μάταιος ᾶν εἵη. Cf. Whewell philosophy of discovery p. 433, ubi etiam recentiorum conatus Platonicas divisiones imitantes recensentur.

²⁾ Cf. locum Senecae ep. 89,3 laudatum a Drobischio log. p. 144 (ed. 3): quicquid in majus crevit facilius agnoscitur si discessit in partes, quas... innumerabiles esse et parvulas non oportet. Idem enim vitii habet nimia quod nulla divisio.

Sed ad hanc externam definition is difficultatem μιμητική etc.). graviora vitia accedunt. Admonuimus jam supra, si alicujus rei definitio dividendo investigetur, non certo judicio effici sed opinatione arripi, a quo summo genere divisio ad rem quaesitam descendere debeat: raro enim contingit, ut si aliquam notionem ipsam ignoramus, ad quod genus referenda sit sciamus. Facile autem fit, ut eo, quod notio investiganda ad aliquod genus refertur, jam ab initio praecipiantur ac praejudicentur quaestiones, quae non a definitione arbitrario statuta pendent, sed quas invicem optime atque cautissime perpendisse debet, qui ad definitionem condendam est accessurus: velut Plato cum in πολιτικοῦ notione exquirenda ab έπιστήμη ordiatur, eo ipso jam dijudicatum vult esse, dimor qui accurata doctrina caret, non debere summam reipublicae tenere (Pol. 292 c): quae quaestio non debet ex definitione politici dirimi, sed ipsa hanc definitionem antecedere.

Eamque ob causam, quod sciri nequit ad quod genus vel ad quam generis speciem res quaedam referenda sit, dum quae sit ipsa ignoratur, etiam Aristoteles Platonicas διαιρέσεις vituperavit¹): appellat autem eas ἀσθενεῖς συλλογισμούς: δ μὲν γὰρ δεῖ δεῖξαι, αἰτεῖται. Velut siquis ζῶα diviserit in mortalia et immortalia, hominesque ζῶα esse concessum sit, sequitur, homines esse aut mortales aut immortales: mortales esse non sequitur, sed petitur (αἰτεῖται). Unde definitio quae tali modo exsistit, maxime dubia est: τέλος, inquit, ὅτι τοῦτ' ἔσιιν ἄνθρωπος ἢ ὅτι ποτ' ἄν ἢ τὸ ζητούμενον,

οὐδεν λέγουσι σαφες ωστ αναγκαῖον εἶναι.

Sed longius progrediendum est atque dicendum, definitionem quae hac dividendi methodo inveniatur, non modo certam non esse nec dubitatione exemptam, sed ad veram rei definiendae naturam intellegendam nil conferre. Nam qui dividit, significat ille quidem quem locum quaeque notio inter notiones coordinatas et superordinatas teneat; quae autem sit vis ac natura ejus quod hunc locum complet, id nobis non dicit: hoc ipsum autem est, quod scire cupimus; illud, quae genera rem investigatam comprehendant et quae sint reliquae horum generum species, nihil ad nos: atque si quis, ubi propria cujusque notionis conditio et in-

¹⁾ Anal. pr. I. 31, cf. Pilger die Athetese des platon. Sophistes, Berl. 1869, p. 6, 7.

doles ignoratur, stemmata notionum describit illisque eas sibi in-

tellegere videtur, inani ludo delectatur.

Nec plane deest nobis ipsius Platonis testimonium, quo recte haec esse reprehensa confirmetur. Nam cum πολιιικού notio a ceteris omnibus segregata sit, finem disputationis nondum facit, sed quasi hoc de quo diximus methodi vitium ipse senserit, tanquam de integro incipiens: τὴν δὴ βασιλικήν, inquit, συμπλοκήν, ώς ἔοικε, λεκτέον ποία τ' ἐστὶ καὶ τένι τρόπω συμπλέκουσα ποῖον ἡμῖν ὑφασμα ἀποδέδωσιν (Pol. 306a): id quod dici non poterat, si per divisionem non locus quem politica ars inter ceteras artes obtinet, sed ipsa vis ac natura hujus artis esset explicata. Atque omnibus quae antea disputata erant plane sepositis jam denuo Plato alterum initium facit ac docet, quem finem politicus sequatur quibusque artibus ad hunc finem perveniat: unde licet colligere, quam inanem necesse sit definitionem esse, quae meris divisionibus nixa politicum denotat fine ad quem tendit artibusque quibus utitur nondum explicatis.

Haec de definitionis atque divisionis methodis sufficiant: ac quoniam Plato solet eum in disputando ordinem sequi, ut primum definitionem ejus rei de qua agitur constituat, deinde reliqua quae investiganda sunt, quid res valeat, laudandane sit an vituperanda, cetera ejus generis exponat, videamus jam, quomodo philosophus

in his tractandis versatus sit.

§ 14. Plato Lysianam declamationem quae in Phaedro exhibetur, ob id vituperat, quod cum de amore agatur non statim ab initio quis sit amor definiatur, quamque ipse huic declamationi opponit orationem, ejus prima verba sunt haec: περὶ παντός . . . μια ἀρχὴ τοῖς μελλουσι καλῶς βουλεύεσθαι, εἰδέναι δεῖ περὶ οὖ ἄν ἢ ὁ λόγος ἢ ἄπαντος ἁμαρτάνειν ἀνάγκη. Quare et haec oratio et quam deinde profert priori contrariam, utraque ab amoris, qui ibi vituperatur hic laudatur, definitione exorditur: τὸ σαφὲς καὶ τὸ αὖτὸ αὑτῷ ὁμολογούμενον διὰ ταῦι' ἔσχεν εἰπεῖν ὁ λόγος (Phaedr. 265 d). Similiter in Gorgia Polus reprehenditur, quod praestantiam artis rhetoricae laudet, cum natura ejus nondum sit perspecta: hunc esse morem rhetoricum, non dialecticum (448 d, e. 463 c). Rhetores enim, cum definitiones omittant, eo facilius imperitorum animos notionum finitimarum similitudine decipiunt et a vera seutentia ad contrariam sensim perducunt (Phaedr. 262 a, b).

Quare dialectica investigatio a notione stabilienda oritur:

velut cum in Lachete quaeratur, quanam ratione homines virtutem adipiscantur, Socrates: ἄρ' οὖν τοῦτό γε, inquit, ὑπάρχειν δεῖ, τὸ είδεναι ο τι ποτ έστιν άρειή; εί γάρ που μηδ' άρετην είδειμεν το παράπαν ο τι ποτε τυγχάνοι ον, τίν αν τρόπον τούτου σύμβουλοι γενοίμεθα δτωοῦν, ὅπως ᾶν αὐτο κάλλιστα κτήσαιτο; (190 b). Similia exstant Amat. 133b, Symp. 199c, 201e, Soph. 261c, Meno 86d. — Et ea res de qua quaeritur, ut initio definiri debet, ita interdum etiam in species suas dividenda est. Velut qui dijudicare vult utrum vita voluptati an cognitioni dedita perfectiore felicitate fruatur, is et voluptatem et cognitionem per genera describat necesse est (Phileb. 12 d—14 c): similiter, ut genuina dicendi ars condatur, et hominum animi et orationes in genera sua dividi debent, ut intellegatur, οία οὖσα (ψυχή) ὑφ' οίων λόγων δι' ἣν αἰτίαν έξ ἄνάγκης ή μέν πείθεται, ή δὲ ἀπειθεῖ (Phaedr. 271 b). Animi igitur genera generibus orationum singula singulis sunt jungenda: a qua ratione non multum abest methodus illa in Theaeteto (p. 192 sq.) adhibita, qua combinando enumerantur variae rationes quibus αίσθήσεις et γνώσεις inter se componi possunt, ut intellegatur, ubi errori locus detur, ubi non detur: de qua methodo nos ne multi simus hoc loco uberius agere nolumus 1).

Non tamen plane desunt exempla, Platonem investigare quid alicui rei accidat notione ipsius rei non constituta: quae exempla, cum nonnihil ad Platonis methodum intellegendam conferant,

diligentius excussisse haud inutile erit2).

In primo Reip. libro, cum Thrasymachus dixerit multo esse sapientius et utilius injustitia uti quam justitia, Socrates hac ratione eum refellit. Musicus et medicus, ait, ubi lyra est tendenda aut cibi potionesque praecipiendae, non studet plus valere (πλεονεχιεῖν) altero musico medicove sed homine artis imperito: imperitus autem et perito et imperito plus valere studet. Omnino qui alicujus rei scientiam habet non eum qui ipse quoque eandem scientiam habet sed eum qui non habet, studet antecellere: qui scientiam non habet, non minus eum qui habet quam eum qui non habet, superare conatur. Atqui justus in omnibus rebus plus habere studet

1) Disputavit de ea Dissenius opusc. p. 151 sqq.

²⁾ Ad hos locos sunt qui referant Aristotelica verba Met. XIII. 4. 1078 b 25. Sed quae ibi significatur dialectica, cum in eo versetur, ut de eadem re in utramque partem disputet, magis Aristotelica quam Platonica videtur esse.

injusto, non plus quam alius justus. Injustus contra et justo et injusto plus habere cupit. Justus igitur pertinet ad eos qui scientiam habent, injustus ad eos qui inscitia utuntur: unde colligitur, justitiam injustitia ad vivendum multo esse utiliorem. Quae omnia explicantur nulla justitiae definitione praemissa: quare in fine disputationis Socrates ipse temeritatem suam castigat, quod investigaverit, utrum justitia esset ἀμαθία an σοφία, utrum plus an minus prodesset quam injustitia, priusquam justitiae natura innotuerit. Et in sequente libro Glauco confitetur, sibi quae Socrates disputaverit, nondum esse persuasa: ἐπιθυμῶ γὰρ ἀχοῦσαι, inquit (358 b), τι τ' έστιν εκάτερον και τίνα δύναμιν έχει αὐτό καθ' αὐτό ένον έν τη ψυχή τους δε μισθούς και τα γιγνόμενα απ' αὐτών έᾶσαι Videlicet idcirco Socr. rem nondum absolverat, quia ex accidente quodam, quod non naturam sed externas relationes justitiae et injustitiae tangit, argumentum suum petierat 1): quare ut penitus probetur, justitiam injustitia esse praestantiorem, utriusque notio debet explicari: quod in sequentibus libris fit.

Item in extrema parte Phaedonis animam immortalem esse probatur, cum quae sit animae natura disputatum non sit: ubi se res non plane eadem ratione habet atque in loco Reipublicae quem modo tractavimus. Atque haec fere est summa disputationis quatenus ad nostrum propositum eam afferre necessarium est (103 sqq.). Non modo idea ideam contrariam in se recipere non potest, sed ne id quidem quod cum aliqua idea necessario est conjunctum, ideam huic contrariam ferre potest: velut non modo numeri imparitas paritatem non recipit, sed ne ternarius quidem numerus, qui necessario cum imparitate conjunctus est, paritatem fert. Atqui anima necessario cum vita est conjuncta, non patitur igitur mortem vitae contrariam. — Hanc disputationem etsi aeque ac justitiae tractatio, quae est in primo Reip. libro, definitione ejus de quo agitur caret, non tamen Socrates hanc ob rem proposito suo non

¹⁾ Similis dubitationis causa est in Cratylo (391 a), ubi quod demonstratum est, esse φύσει ὀρθότητα nominum, Hermogeni idcirco non plane persuadetur, quia nondum scit, quae sit haec ὀρθότης. Aristotelice ut loquar, cum τὸ εἰ ἔσει explicatum sit, hoe nondum sufficit, quia desideratur τὸ διότι (anal. post. II. 1. 89 b 29, 8. 93 a 4). Ipse terminus τὸ διότι jam apud Platonem legitur Crat. 392 d. 419 d. Doctrina Aristotelis ὅτι ταὐτὸτ τὸ εἰδέται τὶ ἐστι καὶ τὸ εἰδέται τὸ αἴτιον τοῦ τὶ ἐστιτ, a Platone non est aliena, cf. Gorg. 464 e, Meno 98 a, b.

satisfacere judicat, sed si quis illam de ideis sententiam concedat satis stabilitam esse censet (107 b). Vide autem quid inter illum Reipublicae locum et hunc intersit. Ibi ex accidente externo justi et injusti argumentum derivabatur (sicut etiam in nonnullis priorum Phaedonis argumentorum quae ob id ipsum non satisfaciunt, ex accidentibus animae), hic etsi non ex ipsa notione animae (ut in Phaedro p. 245), tamen ex qualitate necessario et essentialiter cum ea conjuncta, immortalitas concluditur (anima enim τουν μεν οὐχ ἐχεῖνο-νita-ἔχει δὲ τὴν ἐχεῖνον μορφὴν ἀεὶ ὅταν περ ἢ· 103 e). Quare illa disputatio rem propositam non absolvit, hanc Plato satis validam

ad persuadendum judicat.

Phaedonis autem hic locus memorabilis est ob singularem disserendi rationem quae in hypothesibus ponendis eisque, quae inde consequentur derivandis versatur. Quam methodum Socrates hoc modo describit (100 a, 101 d sq.): δποθέμενος ξκάστοτε λόγον δν αν χρίνω ερρωμενεστατον είναι, α μεν αν μοι δοχη τούτω ξυμφωνείν, τιθημι ως αληθή όντα, . . α δ' αν μή, ως ούκ αληθή · . . . έπειδή δε έχεινης (τῆς ὑποθέσεως) αὐτῆς δέοι σε διδόναι λόγον, ώσαύτως ἂν διδοίης αλλην αδ υπόθεσιν υποθέμενος, ητις των ανωθεν βελτίστη φαίνοιτο, εως επί τι ίχανὸν έλθοις. Ac quae nostro loco instituitur de animae immortalitate disquisitio, ejus νπύθεσις haec est, ut ideas esse earumque societate suam quasque res naturam adipisci concedatur (102 b), unde concluditur argumentis quae iterum repetere non necesse est, animam esse immortalem: posterior vero hypotheticae methodi pars, quae ipsam hypothesin recte se habere ex altioribus principiis demonstrat, in Phaedone non pertractatur, et expresse Socrates hanc a se omitti monet (107b: τὰς δποθέσεις τὰς πρώτας καὶ εἰ πισταὶ δμῖν εἰσίν, ὅμως ἐπισκεπτέον σαφέστερον). Alterum hypotheticae methodi exemplum aptissimum exstat in Menone (86 d sqq.) quod etiam posteriorem methodi partem in Phaedone desideratam continet. Disputatur autem, num virtus disci possit, quam quaestionem Socrates virtutis definitione nondum inventa εξ υποθεσεως σχοπείσθαι proponit. Sumit enim, virtutem esse ἐπιστήμην quandam, unde sequitur eam et doceri et disci posse. Sed jam ipsius ὑποθέσεως ratio est reddenda: demonstratur igitur, virtutem scientiam esse si quidem concessum sit eam esse bonum: haec est altior hypothesis quae per se certa est, cum nitatur immediata illa veri conscientia, et ad quam redeundum esse in Phaedone dicitur.

Hanc hypotheticam methodum cum videam viros doctos 1) non satis distinguere ab ea methodo quae in sexto et septimo Reipublicae libro (511 b c. 533 c, d) et in Parmenide proponitur (agetur de ea § 15 sqq.), pauca hac de re addenda sunt. Ac primum quidem apparet, Phaedonis et Menonis methodum a simplici demonstratione, quae ex principio per se certo quae consequuntur derivat, non differre nisi transmutato conclusionum ordine: nam si hypothesin abs qua disputatio orditur appello c, conclusiones quae inde petuntur d, e, altiores hypotheses quibus illa stabilitur a, b, solitus ac vulgaris concludendi ordo est hic: a, b, c, d, e: haec vero methodus procedit per ordinem hunc: c, d, e, b, a, nec quicquam quod illa demonstrandi ratio non perficiat, assequitur: velut in Menone si initio positum esset, virtutem esse bonum, poterat inde recta via eisdemque quas Socrates adhibuit conclusionibus deduci, eam esse επιστήμην, inde rursus, eam esse diδακτήν. — Deinde tenendum est, non poni his locis hypotheses altiorum principiorum causa, ut disputatio fundamentum habeat, unde ad haec ascendatur, sed conclusionum causa, ad quas ex hypothesibus descendatur, nec lxavóv illud, ad quod ultimo loco hypothetica disserendi ratio pervenit, propter se ipsum expetitur, sed ut consequentibus inde fides accedat. Plane contraria via hypothetica methodus quae in Rep. VI, VII et in Parmenide tractatur, hypotheses ponit tanquam επιβάσεις καὶ δομάς, unde perveniatur non descendendo ad conclusiones sed ascendendo μέχρι τοῦ ἀνυποθέτου ἐπὶ τὴν τοῦ παντός ἀρχήν, i.e.ad ideam boni absolutumque rerum principium. Quod autem in Phaedone appellatur εκανόν τι (101 d), id cum hoc ανυποθέτω confundendum non est: neque enim Plato absolutum sive deum significare poterat kaavõv τι adjecto pronomine indefinito. In Menone quidem *ໂκανόν*, quo recurrit tota demonstratio, est id quod constare dicit Socrates, virtutem esse bonum (87 d αλλο τι η αγαθον αὐτό φαμεν είναι την άρετήν, και αθτη ή δπόθεσις μένει ήμιν, άγαθον αθτό είναι;): quare εκανδν illud nil aliud est quam aliqua sententia quae disputantibus tam certa videtur, ut ejus demonstrationem non requirant, quam sententiam ad absolutum principium referri minime opus est: velut qui theorema quod angulos cujusque trianguli

¹⁾ Velut Zellerum, cf. Phil. d. Gr. II, 1. 393 adn. 1.

duobus rectis aequales esse docet, eo revocavit, quod anguli lineis parallelis adjacentes aequales sunt, is ad *!xavóv ti pervenisse dici potest. —

Cap. II. De posteriore artis dialecticae forma.

§. 15. Vereor ne jam dudum inconsideratius agere videamur, quod diversas dialectices artes, inductionem, paradigmaticam methodum, definitionem, divisionem, hypotheticam methodum explicemus singulasque singulis exemplis illustremus nec quicquam dicamus de uberrimis illis locis quibus Plato et universam complectitur artem dialecticam et per partes distinguit (Rep. VI. VII). Quos locos quod adhunc plane omisimus, consulto fecimus; quae enim his describitur ars dialectica mihi quidem tam diversa videtur esse ab hac quam adhuc consideravimus, ut utraque methodus jure separanda sit: quam rem ex eis quae jam disputabuntur satis manifestam fore spero.

Sexto igitur Reipublicae libro (509 d sqq.) Plato omnes theoreticas facultates et res eis subjectas lineae comparat in duas inaequales portiones dissectae¹): altera pars complectitur το δρωίμενον γένος, altera το νοούμενον. Utraque pars rursus secundum eandem rationem atque tota linea dividitur: illa constat ex imaginibus speculis repercussis et ex eis, quorum illae sunt imagines, hominibus, arboribus, ceteris: haec constat ex rebus mathematicis et ex ideis. Singulis rerum generibus singulae ingenii facultates, quibus illa percipiuntur, respondent, quod hac tabula liceat repraesentare ²):

¹⁾ Jam inter veteres dubitatum esse, utrum scribendum esset εἰς ἄνισα εμήματα (quae lectio codicibus confirmatur) an εἰς ἴσα, ex scholio h. l. intellegitur. Prior lectio et ob sensum multo aptiorem praeferenda videtur, et quia verba quae statim sequuntur, κάλιν τέμνε ἐκάτερον τὸ τμῆμα ἀνὸ τὸν αὐτὸν λόγον, mirum in modum dicta essent si aequalitas utriusque portionis significaretur.

²⁾ De toto loco conf. Whewell, philosophy of discovery, append. C., p. 440 sqq.

Όρώμενον γένος.		Νοούμενον γένος.		
Specula	ipsae res	mathematica	ideae	
εἰχασία	πίστις	διάνοια	έπιστήμη.	

In priore hujus tabulae parte, quae δρώμενον γένος complectitur, id mirum videri potest, quod Plato perceptionem speculorum ab ipsarum rerum perceptione, quasi diversa ejus sit natura, separat. Cujus rei causa in sola concinnitate videtur posita esse, ne desit aliquod, quod in priore parte ad res sensibus objectas ita se habeat, ut in posteriore parte se habent res mathematicae ad ideas (cf. VII. 534a): quod non monerem nisi essent qui Platonis verbis relictis ελασταν ad singularum rerum aspectum omni cogitatione carentem, πίστιν ad experientiam, quae similia conjungit constantesque eorum leges divinat, referentes eandem fere diversitatem inter has partes statuerent, quam Aristoteles initio metaphysicorum inter αἴσθησιν et εμπειρίαν: quae sententia ab hoc Platonis loco plane aliena est¹).

Sed haec levioris sunt momenti, multo graviora autem, quae de νοηιφ γένει et de discrimine διανοίας et ἐπιστήμης traduntur. Mathematica disciplina idcirco multo propius ad veritatem accedit quam sensuum perceptio, quod non de aspectabilibus numeris magnitudinibusque agit, sed de eis quae sola cogitatione assequimur, non de eis quae semper fiunt sed quae sunt (Rep. VII 525 e sqq., cf. Phil. 56 d sqq.). Tamen duabus rebus efficitur, ut mathematica perfecta scientia non sit: utitur enim figuris quae sub oculos cadunt (δρωμένοις είδεσι) neque id sunt quod significant, et proficiscitur a notionibus, quarum rationem reddere non potest: ponunt

¹⁾ Non inutile est conferre qua ratione illi quicumque fuerunt qui libros Archytae tributos conscripserunt, hunc Platonis locum expresserint, cf. Mullach fragm. philos. Graec. I, 566, ubi duae leguntur hujus loci παραφράσεις (quae non debebant a Mullachio in unum fragmentum conjungi), quarum altera propius accedit ad ipsa hujus loci verba, altera eam ad Pythagorica placita deterquet.

mathematici pares imparesque numeros, figuras, tria angulorum genera et, quasi haec omnibus satis nota sint, ab his proficiscentes reliqua demonstrant (Rep. VI. 510 c): sed ῷ ἀρχὴ μὲν δ μὴ οἶδε, τελευτὴ δὲ καὶ τὰ μεταξὺ ἔξ οὖ μὴ οἶδε συμπεπλεκται, τις μηχανὴ τὴν

τοιαύτην δμολογίαν ποτε έπιστήμην γενέσθαι; (VII. 533 c).

Dialectica vero, etsi ipsa quoque habet hypotheses suas, tamen has non quasi satis jam per se cognitas pro principiis sumit, sed habet eas tanguam επιβάσεις τε καὶ δομάς· Γνα (δ λόγος) μεχρι του ανυποθετου επίζτην του παντός αρχην Ιών, αψάμενος αθιης πάλιν αδ έχόμενος των έκείνης έχομένων οθιως έπι τελευτήν καταβαίνη, αίσθητῷ παντάπασιν οὐδενὶ προσχρώμενος, αλλ' εἴδεσιν αὐτοῖς δί αὐτῶν εἰς αὐτά, καὶ τελευτῷ εἰς εἴδη (VII. 511 b, c)1). Hic locus quo nullus summam dialecticae artis, qualis in his de quibus agimus dialogis cernitur, brevius describit, aptissimum fundamentum disputationi nostrae praebet. Ac quid sit ανυπόθετον et ή τοῦ παντὸς ἀρχή, dubitari non potest: significatur enim boni idea quae inter ideas eundem locum tenet, quem sol in mundo sensibili, quaeque, sicut sol lucem ac vitam terrenis oris praebet, ita efficit, ut ideae et sint et cognoscantur. Quales vero sunt δποθέσεις illae, unde dialectica methodus proficiscitur? In rebus sensibilibus fundamentum methodi positum non esse disertis verbis dicitur (αἰσθητῷ παντάπασιν οὐδενὶ προσχρώμενος). Sed videamus num inferiores ideae sint επιβάσεις illae et δρμαί, unde ad summam ideam ascendatur. Quod si ita est, dialectica eandem viam bis percurrit, per easdem ideas ascendens, per easdem rursus inverso ordine descendens, neque, dum recedit, quicquam novi assequitur, quod non jam, cum procedebat, adepta sit: quam inutilem ejusdem viae

¹⁾ Similiter VII. 533 c. οὐκοῦν ἡ διαλεκτικὴ μέθοδος μόνη ταύτη πορεύεται, τὰς ὑποθέσεις ἀνάγουσα ἐπ' αὐτὴν τὴν ἀρχὴν ἔνα βεβαιώσηται. In codd. legitur τὰς ὑποθέσεις ἀναιροῦσα, post quae verba C. Fr. Hermannus commate distinguit, ut interpretandum sit, dialecticam methodum hypotheses tollentem ad principium proficisci ut id muniat. Quod mihi idcirco non recte se habere videtur, quia ars dial. secundum Platonem non tollere debet hypotheses sed eas tanquam ἐπιβάσεις τε και ὁρμάς adhibere. Satis autem, si quid video, certum est, objectum verbi quod est βεβαιώσηται intellegendum non esse τὴν ἀρχήν, sed τὰς ὑποθέσεις (quare ante ἐπ' αὐτὴν τὴν ἀρχὴν non debet interpungi), et pro ἀναιροῦσα ponendum esse aliquod verbum in quo insit notio referendi: quod potest esse ἀναφέρειν, rectius tamen videtur ἀνάγειν, quod in cod. Cant. Stobaei hunc locum c'tantis invenitur.

repetitionem a Platone commendari difficillimum est ad credendum 1). Itaque equidem mihi persuadeam, locum de quo agimus ita esse intellegendum, ut hypotheses unde cogitatio ad summum principium nititur, non sint inferiores ideae, sed alius cujusdam generis sumptiones, quae summum principium statim per se ipsum nec per inferiora genera ascendentes expetant: quae hypotheses quales sint et quomodo ad principium ab eis ratiocinando perveniatur, e Parmenide discimus, unde enucleatior explicatio ejus methodi, quam nostro loco Socrates nimis breviter adumbravit, petenda est 2).

§. 16. Audiamus qua ratione Eleaticorum philosophorum princeps Socrati juveni disputandum esse praecipiat, ut quae hic de ideis protulerat accuratius patefiant et a dubitationibus initio dialogi expositis defendantur. Χρη δὲ και τόδε, inquit (135 e sqq.) ἔτι πρὸς τούτω σκοπεῖν, μη μόνον εἰ ἔστιν ἕκαστον ὑποτιθέμενον σκοπεῖν τὰ συμβαίνοντα ἐκ τῆς ὑποθέσεως, ἀλλὰ καὶ εἰ μή ἐστι τὸ αὐτὸ τοῦιο ὑποτίθεσθαι. Οἰον εἰ βούλει περὶ ταύτης τῆς ὑποθέσεως, ἢν Ζήνων ὑπεθετο, εἰ πολλά ἐστι, τὶ χρη συμβαίνειν, . . . καὶ αδ, εἰ μή ἐστι πολλά, πάλιν σκοπεῖν τὶ συμβήσεται . . . Καὶ αδθις αὐ, ἐὰν ὑπολάβης, εἰ ἔστιν ὁμοιότης ἢ εἰ μή ἐστι, τὶ ἐφ' ἑκατέρας τῆς ὑποθέσεως συμβήσεται. Καὶ περὶ ἀνομοίου ὁ αὐτὸς λόγος, καὶ περὶ κινήσεως καὶ στάσεως . . . καὶ ἑνὶ λόγω, περὶ ὅτου ᾶν ἀεὶ ὑποθη ως ὅντος καὶ οὐκ ὅντος καὶ διιοῦν ἄλλο πάθος πάσχοντος δεῖ σκοπεῖν τὰ συμβαίνοντα πρὸς αὐτὸ καὶ πρὸς ἕκαστον τῶν ἄλλων, ὅ τι ᾶν προελη,

1) Particulae πάλιν αὖ quae leguntur loco citato (ἀψάμενος τῆς ἀρχῆς πάλιν αὖ ἐχόμενος etc.) non demonstrant, methodum per eandem viam reverti

qua profecta erat.

²⁾ Loco modo tractato (511 b, c) comparandus est hic (532 a): ὅτιν τις τῷ, διαλέγεσθαι ἐπιχειρῷ, ἄνεν πασῶν τῶν αἰσθήσεων διὰ τοῦ λόγου ἐπ' αὐτὸ δ ἐστιν ἔκαστον ὁρμῷ, καὶ ἐὰν μὴ ἀποστῷ πρὶν ᾶν αὐτὸ δ ἐστιν ἀγαθὸν αὐτῷ νοήσει λάβη, τύτε δὴ ἐπ' αὐτῷ γίγνεται τῷ τοῦ νοητοῦ τέλει. His verbis dialecticae methodi ordo paullo aliter describitur atque superiore loco. Exordium fit ab inferioribus ideis quae sine sensuum auxilio sola cogitatione attinguntur. Si quaeris, quomodo id fiat, rursus de hypothetica Parmenidis methodo cogitandum erit, quam non modo ad summum principium sed ad quamvis notionem — velut στάσιν, κίνησιν, ὅμοιον, ἀνόμοιον exponendam adhiberi posse disertis verbis significatur (Parm. 136 b). Tali modo inferioribus ideis constitutis usque ad principium ascenditur: quo cum pervenit methodus finem habet: de descendente via hoc loco nihil dicitur, quo confirmatur quod modo dicebamus, duplicem ejusdem viae repetitionem a Platone alienam videri.

καὶ πρὸς πλείω καὶ πρὸς ξύμπανια ωσαύτως, καὶ τὰ ἄλλα αὖ πρὸς αὐτά τε καὶ πρὸς ἄλλο ο τι αν ἀεὶ προαιρῆ, ἐάν τε ως ὂν ὑποθῆ

ο υπετίθεσο, έάν τε ώς μη όν.

Haec disputandi ratio si nihil aliud spectaret nisi quid ex quaque hypothesi consequeretur, inanis esset cogitandi lusus, cum nihil de ipsa veritate, quae hypothesis recte posita esset, quae consequentia in rerum natura locum haberent, exploraret: sed certius quiddam est ad quod Parmenidea methodus tendit, nec eristicas nugas sed stabilem veritatis cognitionem illa sequitur: άνευ ταύτης της δια πάντων διεξόδου τε και πλάνης άδύνατον έντυχόντα τῷ ἀληθεῖ νοῦν σχεῖν (136 e). Consequentium nempe series rursus de ipsius hypothesis veritate judicium permittit, et ubi perspectum est quid inde nascatur, si quid esse ponitur, quid, si non esse ponitur, apparet simul, utrum id de quo agitur ponendum sit an non ponendum: vel ut exemplo ab ipso Parmenide adhibito utar, ubi positum est unitatem non esse, quae inde consequentur aut per se absurda sunt aut unitatem quam non esse positum erat, rursus reducunt, unde apparet unitatem non posse concipi ut non Simili ratione, ubi eadem notio, si eam esse ponimus, diversas conclusionum series diversis modis productas admittere videtur, rejectis eis quae vel rerum naturae vel sibi ipsa manifesto repugnant, patefit, quae conclusionum series veram illius notionis naturam exprimat: velut si unitatem esse positum est ita ut omnes aliae notiones excludantur, sequitur unitatem nec cogitationem nec perceptionem nec nomen admittere et ne ovolas quidem participem esse: ή δυνατόν οθν, inquit Parmenides (142 a), περί τὸ εν οθτως έχειν; — οὐχουν δοχεί έμοιγε. — Praeferenda igitur est altera concludendi ratio, quae unitatem cogitari, nominari, vivere non vetat.

Accuratius atque certius de Parmenideae methodi ratione et consilio judicare poterimus, si paullo diligentius rationem, qua Plato ex hypothesibus ea quae consequuntur derivat certasque leges quas in hoc disputandi genere observat, intellexerimus. Quo priusquam nos convertamus, consideranda sunt ea quae in Sophista de notionum inter se societate disputantur: nam cum in Parmenide, quid ex quaque hypothesi consequi necesse sit ita inquiratur, ut ea notio de qua agitur cum aliis notionibus — ut στάσει, πινήσει, ταὐτῷ, θατέρῳ, δμοιότηπ, ἀνομοιότηπ — componatur et dijudicetur, utrum jungi inter se notiones possint an non, hujus πραγματείας

tenebris lux haud inoptata accedit inde, ubi de ratione notionum

inter se jungendarum agitur.

§. 17. Errare et qui omnino ullam inter notiones mutuam societatem, ut altera de altera praedicari possit, intercedere negent (ut Antisthenes), et qui omnes notiones cum omnibus sine ullo discrimine jungi posse contendant (quam sententiam Plato Heraclito tribuisse videtur), a Platone indirecte demonstratur (Soph. 251e— 252 d). Nam si nulla notionum communio ponitur, omnis cogitatio evertitur (259 e), διὰ γὰρ τὴν αλλήλων τῶν είδῶν συμπλοκὴν ὁ λόγος γέγονεν ημίν. Ipsi autem qui sententiam illam defendunt, placito suo repugnant, cum non possint abstinere, ne τὸ εἶναι et τὸ χωρίς de aliis notionibus praedicent (252 c). Qui vero omnia invicem jungunt, efficiunt, ut quies moveatur et motus quiescat, id quod maxima necessitate prohibetur (252 d). Quare inter utramque sententiam tertia in medio posita restat, alia jungi inter se, alia societatem recusare, alia latius patere et cum pluribus notionibus componi, alia ditione angustiore uti. Omnis autem cogitatio versatur in jungendo et separando (φάσει et ἀποφάσει, 263 d): et qui cogitando vel dicendo jungit quae re vera juncta sunt, vere cogitat dicitque, qui secus, falso 1): itaque μει' ἐπιστήμης τινός αναγκαίον διά των λόγων πορεύεσθαι τον δρθως μελλοντα δείξειν, ποῖα ποίοις συμφωνεῖ τῶν γενῶν καὶ ποῖα ἄλληλα οὐ δεχεται (253 c).

Qualis sit haec ἐπιστήμη et in quas partes dividatur, dicitur obscurissimo loco (253 d, e)²): οὐχοῦν ὅ γε τοῦτο δυνατὸς δρᾶν (scil. κατὰ γένη διαιρεῖσθαι) μίαν ἰδέαν διὰ πολλῶν ένὸς ἐκάστον κειμένον χωρὶς πάντη διατειαμένην ἱκανῶς διαισθάνεται, καὶ πολλὰς ἐτέρας ἀλλήλων ὑπὸ μιᾶς ἔξωθεν περιεχομένας, καὶ μίαν αδ δι' ὅλων πολλῶν ἐν ἐνὶ συνημμένην, καὶ πολλὰς χωρὶς πάντη διωρισμένας. τοῦτο δ' ἔστιν, ἢ τε κοινωνεῖν ἕκασια δύναται καὶ ὅπη μή, διακρίνειν κατὰ γένος ἐπίστασθαι. Dividitur hoc loco mutua notionum inter se ratio in quatuor genera, quorum quod ultimo loco ponitur, nullam praebet difficultatem; spectat enim ad eas ideas quarum altera alteram

²⁾ Cf. Stallbaumium ad h. l. et prolegg. ad Phileb. LIV, et imprimis Bonitzium, plat. Stud. II. 300, 14.



¹⁾ Soph. 262d sqq. Qua ratione erroris origo psychologica ex αἰσθήσεως et λόγου confusione a Platone explicatur, de quo uberrime agitur in Theaeteto, huc non pertinet.

excludit (πολλάς χωρίς πάντη διωρισμένας). Priores tres partes pertinent ad communionem, qua ideae inter se junguntur: e quibus tertia (μίαν δι' δλων πολλών εν ενί συνημμένην) recte a Bonitzio ad ea quae deinceps sequuntur attendente videtur explicari per societatem, quam unaquaeque notio cum notione identitatis init. Identitas enim (ravióv) singulatim cum singula quaque notione colligata est, cum unaquaeque eadem sit quae est: nec tamen identitas est commune genus, quod cunctas complectitur: est igitur δι' δλων πολλών εν ενί συνημμενη, non πάντη διατεταμενη aut έξωθεν περιέχουσα. Difficilius autem est explicare, quid inter primum et secundum genus intersit, quorum illud est μία ίδία διὰ πολλών ένδς έχαστου χειμένου χωρίς πάντη διατιταμένη, hoc vero πολλαί έτεραι αλλήλων υπό μιᾶς έξωθεν περιεχόμεναι. Quod Bonitzius non quasi certum sed ut conjecturam profert, distingui rationem quae inter genus et species subjectas intercedit, a societate quam quaevis notio habet cum notione vou strat, non mihi videtur accipi posse: nihil enim est in Platonis verbis quod ut hanc maxime diversitatem significari credamus ducat, et ipse Bonitzius concedit, alterum membrum non minus altero utramque rationem continere Nec ut nonnullis placuit, e verbis ένος εκάστου κειμένου xwols concludi potest, primo loco de individuis dici quae intra speciem, deinde de speciebus quae intra genus versantur, quoniam hoc loco omnino non de individuis, quae in mundo mutationis fluctibus obnoxio posita et a dialectica aliena sunt, sed de solarum notionum communione agitur. — Quid mihi intercedere videatur inter primam et secundam partem, non sine dubitatione proferam. Differt notionum societas quae ponitur, si quis dicit, canem et equum esse animalia, ab ea, quae inest in hoc judicio: canis et equus sunt dociles. Notio animalis cum utraque notione et canis et equi jungitur tanquam commune genus, notio docilitatis tanquam commune accidens. Hoc significari videtur priore, illud posteriore Accidens quod compluribus substantiis commune est, dici potest μία ίδεα δια πολλών πάντη διατεταμένη, sed non potest dici ίδεα έξωθεν περιέχουσα; species, quae generi communi subjectae sunt, significantur πολλαὶ έτεραι άλλήλων υπὸ μιᾶς έξωθεν περιεχόμεναι.

Confirmatur haec sententia, si quae deinceps de principalibus quinque notionibus disputantur, comparamus. Ibi (255 e) de idea θατέρου dicitur: διὰ πάντων αὐτὴν φήσομεν εἶναι διεληλυθυῖαν εν

ξαστον γὰρ εἶναι ἔτερον τῶν ἄλλων . . . διὰ τὸ μετέχειν τῆς ἰδέας τῆς θατέρου. Verba quae sunt διὰ πάντων διεληλυθνῖα idem valent atque supra πάντη διατεταμένη. Idea θατέρου, quae cum unaquaque notione conjuncta est, dici non potest ἔξωθεν περιέχουσα, neque enim est genus cui reliqua subjecta sint; nec dici potest, ut idea ταὐτοῦ, δι' ὅλων πολλῶν ἐν ἐνὶ συνημμένη, cum non, ut identitas, unamquamque notionem quasi interno vinculo secum contineat, sed relationem singulae cujusque notionis ad reliquas exprimat. Concinit etiam optime cum nostra hujus loci explicatione, quod aperte inter se opponuntur verba πάντη διατεταμένη et ἐν ἐνὶ συνημμένη (accidentia sive relationes et substantiae identitas) et deinceps ἔξωθεν περιεχομένας et πάντη διωρισμένας (genus quod species complectitur et species quae se invicem excludunt).

§. 18. Jam investigemus, quas leges in notionibus inter se jungendis ac separandis Parmenidea disputatio sequatur. Ac primum quidem quam brevissime enarremus omissis quae supervacua videntur, primam et secundam conclusionum seriem.

Unum si est, inquit Parmenides, id non est multa, itaque partes non habet nec est totum $(\delta \lambda o \nu)$. Neque habet initium, mediam partem, finem: hae enim sunt partes, quae ad id quod unum est pertinere non possunt. Cum initio ac fine careat, est infinitum: non habet figuram, nam neque rectum est neque rotundum, quippe quorum utrumque diversarum partium ordinem significet. Nec in se est neque in alio, nam si in se esset et a se comprehenderetur, non unum esset sed duo: diversum enim est id quod comprehendit ab eo quod comprehenditur. Sin vero in alio esset, multis partibus id in quo est tangeret: quod fieri non potest, cum unum partes non habeat. Itaque cum nec in se nec in alio sit, nusquam sit necesse est. Similiter unum nec moveri nec quiescere concluditur. Unum nec sibi nec ali notioni neque ταθτόν est neque ετερον. Nam si vel a se diversum esset vel idem quod est aliud, non jam esset unum: sibi autem ταὐτόν vel ab alio diversum idcirco non est, quia in notione unitatis nec identitatis nec diversitatis notio inest. Demonstratur deinde, unum nec sibi nec ali notioni comparatum aut πρεσβύτερον aut την αὐτην ήλικίαν έχον aut νεώτερον esse: quare omnino in tempore non versatur. Itaque ne odolas quidem est particeps, itaque non est unum: cum autem ipsum non sit, neque nomen ejus nec scientia esse potest.

Rursus, si unum est, debet particeps esse ovoías: alias non esset. Si igitur ponitur non êv êv, sed êv őv, constat id ex duabus partibus, quarum altera est &v, altera ov: utraque autem pars, cum alteram rursus in se contineat, ipsa quoque ex duabus partibus consistit, et sic in infinitum procedit partitio. Unum autem, cum ex partibus compositum sit, ipsum se complectitur: totum enim partes complectatur necesse est: cum vero totum sit, habet initium, mediam partem, finem, itaque etiam figuram. In se est, cum partes sint in toto: in alio est, cum totum non sit in partibus. Quatenus igitur unum est totum, in alio est, quatenus partes, in se. Cum in se sit, in eodem stat, cum semper in alio sit, movetur. Sibi ipsi est ravión; rursus cum et in se et in alio sit, a se ipso est diversum. Ab aliis diversum est; rursus aliis est ταὐτόν. Nam notio diversitatis, cum identitati sit contraria, in eodem inesse non potest: itaque ne in uno quidem inest. Unum igitur ab aliis per diversitatem diversum esse non potest: ac ne per se quidem ab aliis diversum est, si diversitatis particeps non est. Quamobrem cum unum ab aliis non sit diversum, idem est. Omittimus quae sequuntur, quibus demonstratur, unum et sibi et aliis non minus simile quam dissimile esse, et se et alia tangere et non tangere, cetera. Unum et si aliis et si sibi ipsi comparatur, et senius et junius et aequale est et fit: quare temporis particeps est, erat, erit. Cognitio ejus admittitur, si quidem jam disputando cognoscitur; admittitur opinio, perceptio, nomen.

Haec sufficiant ad specimen Parmenideae disputationis exhibendum. Videamus qua ratione conclusiones in thesi et antithesi inter se pugnantes effectae sint. Thesis procedit per judicia quae omnia sunt negativa. Nullam autem earum quae afferuntur notionum de unitate praedicari posse, plerumque ita demonstratur, ut unitatem hoc praedicato in multitudinem versum iri probetur: sed non semper hac ratione fit demonstratio: id quod valde est animadvertendum. Nam ut efficiatur, unum ab aliis non esse diversum, dicitur (139 c): οὐχ ἐνὶ προσήχει ἐτέρω τινὸς εἶναι οἰχ ἐσται ἐτερον, ἀλλὰ μήν, εἶ μὴ τούτω, οὐχ ἑαντῷ ἔσται, εἶ δὲ μὴ αὐτῷ, οὐδὲ αὐτό. Idcirco igitur unum ab aliis non diversum est, quia in unitate non eo ipso quod est unitas, diversitas inest. In the si igitur, ut demonstretur, aliquam notionem de unitate non praedicari, non necesse est docere, unitatem hoc praedicato everti et in

multitudinem abire, sed sufficit probare, hanc notionem in notione unitatis nondum analytice inesse: ita igitur disputatur, ut syntheticam diversarum notionum societatem, quae in Sophista contra

Antisthenis sectatores defenditur, nullam esse sumatur.

Quod plane aliter se habet in antithesi. In qua eadem, quam modo ex thesi posuimus, iterum occurrit sententia, unitatem ab aliis non esse diversam; sed inter hanc et illam ejusdem sententiae demonstrationem intercedit differentia quaedam, quae totum thesis atque antithesis discrimen clarissime illustrat. Disputatur autem in antithesi hac fere ratione (146d—147a): Nec diversum in eodem, nec idem in diverso inesse potest, cum notiones ταθτοῦ et θατέρου sibi invicem contrariae sint. Quare nihil est, in quo diversum (i. e. idea diversitatis) per ullum tempus inesse possit: nam si quid esset, diversitas per aliquod tempus εν τῷ αὐτῷ inesset. Quare ne in unitate quidem inesse potest diversitas, itaque unum ab aliis per diversitatis ideam diversum esse non potest (oux aça τῷ έτερῳ γ' ἂν εἴη τὸ εν τῶν μὴ εν οὐδε τὰ μὴ εν τοῦ ενὸς ετερα): nec per se unum ab aliis diversum est, si quidem diversitatis non particeps est. Quare cum nec per diversitatem nec per se diversum sit, omnino non est diversum. — Eadem ratione hoc loco atque in respondente loco ex thesi desumpto ponitur, unitatem per se, quatenus unitas est, non diversam esse ab aliis. Sed cum in thesi simpliciter sumatur, unitatem, si per se non sit diversa, omnino non esse diversam, in antithesi etiam altera conditio examinatur, num unitas, quatenus diversitatis particeps est, per diversitatis ideam differat ab aliis: quod in thesi plane omissum in antithesi ex peculiari diversitatis ratione, quippe quae έν τῷ αὐτῷ inesse nequeat, expresse refutatur. Quare in antithesi ita res geritur, ut quae cuique notioni attributa dantur, ea illi non solum per se ipsi (propter ipsius naturam) sed etiam propter aliarum notionum societatem ascisci possint. Videlicet, ut ad ea quae in Sophista disputata sunt, haec referamus, thesis accommodata est ad sententiam eorum qui omnem syntheticam inter notiones societatem tollunt; in antithesi haec societas admittitur et alteram ideam de altera praedicari posse sumitur.

Hinc nascitur etiam alia diversitas inter thesin et antithesin, quam eodem quo modo usi sumus exemplo illustrare placet. Et in thesi, sicut vidimus, et in antithesi demonstratur, unitatem ab aliis non esse diversam: sed thesis in negativo hoc judicio acqui-

escit, antithesis ex negatione positionem elicit concluditque unitatem quoniam nec diversa sit ab aliis nec ut totum sive pars ad alia se habeat, eandem esse atque alia (άλλὰ μὴν ἔφαμεν, τὰ μήτε μόρια μήτε όλα μήτε έτερα άλλήλων τὰ αὐτὰ ἔσεσθαι άλλήλοις, . . . φωμεν άρα και τὸ εν πρὸς τὰ μὴ εν ούτως έχον, τὸ αὐτὸ είναι αὐτοῖς.). Similiter se habent omnes negationes quae in antithesi occurrunt omnesque positivam vim habent: velut ubi dicitur, unum cum se et cum aliis comparatum et senius esse et junius et esse nec senius nec junius, haec negatio (οὖτε πρεσβύτερον οὖτε νεώτερον) positionem significat (πασιν άρα τοῖς άλλοις την αύτην ηλικίαν ζοχει το εν, 153 e), cum in thesi per negationes nihil positivi affirmetur de unitate, sed omnia quae de ea praedicari possunt, excludantur. Quare ea tantum negativa judicia, quae positivum sensum admittunt, in antithesi statuuntur: quae autem ita comparata sunt, ut solum negent nec quicquam affirment, omittuntur. Velut dicitur, unum et senius et junius et neutrum esse; non perinde statuitur, unum et stare et moveri et neutrum agere, sed hoc solum ponitur, et stare et moveri (145 e sq.), cum nec stare nec moveri mera sit negatio, quae thesi convenit (139b), ab antithesi aliena est.

His de diversa thesis et antithesis disputandi ratione explicatis viam nobis munivimus ad exponendum, quid Plato contrariis his conclusionum ordinibus inter se opponendis probare, quid refutare voluerit. Quae in thesi disputantur, eis aliquam Platonicae doctrinae partem directe tradi non est judicandum: nam, ut supra demonstravimus, conclusiones in thesi prolatae eo nituntur, quod societatem inter diversas notiones non admitti sumitur: atqui ex Sophista constat, Platonem hanc societatem admittere eosque qui eam tollunt vehementer impugnare: itaque quae in thesi de unitate omnia praedicata excludente et ab ipsa οὐσία et ἐπιστήμη remota disputantur, tanquam absurda et rejicienda commenta¹), non tanquam ad ipsius Platonis doctrinam pertinentia proferentur. Rejicienda igitur est sententia Stallbaumii, qui hanc unitatem ab existentia et cogitatione separatam censuit materiam illam idearum esse, ex qua tanquam potentia Aristoteles nonnullis locis ideas Platonicas strui tradit. In antithesi vero, quae cum eis quae in

¹⁾ Respicit fortasse Plato ad tales Eleatarum doctrinas, quales e prima parte libri pseudo-Aristotelici de Xenophane Zenone Gorgia cognoscimus.

Sophista de societate notionum statuta sunt prorsus consentit, non video cur ipsius Platonis doctrinam exponi non credendum sit. Nam quod contraria de unitate praedicantur, inde non sequitur, Platonem haec tanquam incredibilia proferre; praedicantur enim non eadem ratione sed alterum altero sensu (cf. Soph. 259 c, d. Heyder p. 109 sqq.). Accedit quod secundae antinomiae, cujus duae partes, si cum prima comparas, mutato ordine positae sunt, thesis (quae priori antithesi similis est) apertissime ipsius Platonis doctrinam continet, antithesis (priori thesi respondens) sententiam a Platone alienam: ac similiter se habet res in tertia et quarta antinomia.

Non dubito autem, quin unitas illa alias unitates plurimas complectens, quam antithesis omnibus quae cogitari possunt praedicatis exornat, idem logica sive mathematica expressione significet, quod in Republica ethice exprimitur idea boni quae ceterarum idearum origo et vinculum est¹). Huic unitatis notioni illustrandae et erroribus purgandae tota quae in Parmenide exhibetur disputatio servit; quare habemus hic πορείαν διαλεκτικήν commemoratam illo Reipublicae loco unde profecta est haec disputatio, quae hypotheses adhibet non tanquam ἀρχάς sed tanquam ἐπιβάσεις καὶ ὁρμάς, ab eisque μέχρι τοῦ ἀνυποθέιου ἐπὶ τὴν τοῦ παντὸς ἀρχήν ascendit²).

§. 19. Revocemus jam cogitationem ad illud genus disputandi, quod in priore commentationis nostrae parte adumbravimus, et videamus, quod discrimen inter hoc et illud intercedat. Ubi imprimis id est animadvertendum, rationem, quam dialectica Platonis adversus mundum sensibilem tenet, in quo experientia vitaeque usus versatur, plane esse commutatam: illud dialectices genus, cum ab hoc mundo sensibus objecto internisque ejus repugnantiis animum ad id quod semper sibi constat et sola cogita-

¹⁾ Platoni enim unitatis principium ac principium boni idem est, sicut — si quidem diserto testimonio in hac re omnino opus est — docet Arist. Met. I, 6. 988 a 14. Tertiam ejusdem significationem praebet Timaeus (29 e), deum bonum et invidiae expertem praedicans.

²⁾ Non nego in Parmenide omnia tam obscura ac dubitationi obnoxia esse ut verear ne etiam in hoc, quod absoluti rerum principii rationem hoc dialogo exponi judicem, certum interpretationis fundamentum relinquere videar: cum vero, quae ad defendendam hanc sententiam necessaria sunt, breviter explicari nequeant, hoc loco abstineo.

tione cognoscitur, perducere conetur, hunc mundum non contemnit. sed quicquid in eo aptum invenitur ad obscuratam memoriam aeternarum specierum renovandam, inde adjumentum sibi comparat. Haec vero de qua nunc agimus dialectica methodus sensibilis mundi atque experientiae plane oblita a notionibus incipit, in notiones desinit, et notionum regnum atque ordinem regnum ordinemque veritatis esse sibi praecipit. Quare juvenibus, quorum animi ad dialecticam artem discendam praeparandi sunt, Plato non id commendat, ut in sensibilium rerum natura cognoscenda diligenter versentur, quasi ex hac paranda sit materia arti dialecticae, sed hoc potius praecipit, ut mathematicam doctrinam perdiscant, quippe quae animos a sensibus abducat puraeque cogitationi assuefaciat. Et cum Plato in illa descriptione lineae quadrifariam divisae inter αἴσθησιν et ἐπιστήμην interponat διάνοιαν, significat, quam nihil επιστήμη ex αλοθήσεως ditione sibi vindicare et in suum usum vertere debeat, ac plane excludit eam quam nos unam sanam judicamus investigandi rationem, quae utrumque connectere et ex αίσθήσει diligenter instituta et cogitationis praeceptis gubernata επιστήμην efficere studet.

Conjunctum huic est aliud discrimen inter priorem et posteriorem dialectices formam intercedens. Neque in Phaedone neque in Phaedro nec in ullo dialogo qui ad priorem formam pertinet, Plato de dialectica methodo loquitur quasi de scientia certum quendam orbem complente et a certis initiis ad certum finem viam praescriptam conficiente, sed dialecticen ponit artem quae quamvis propositam quaestionem interrogando ac respondendo ordine persequatur: in Republica describit eam quasi scientiam certam notionum seriem necessario ordine permeantem; haec est διαλεκτική ποφεία (VII. 532 b), cujus initium in hypothesibus positum est, unde ἐπὶ τελευτήν (VI. 511 b) definito itinere procedit, intra quos fines tota methodus continetur et absolvitur.

Comparari potest quodam modo ratio quae inter illud et hoc genus dialectices versatur, cum discrimine formalis logicae et dialectices, quae nostra aetate in philosophia locum tenent. Ei enim nostratium philosophorum, qui puram quam dicunt cogitationem propria vi cuncta ex sese procreare contendunt ,, αἰοθητῷ παντάπασιν οὐδενὶ προσχρώμενοι ἀλλ' εἴδεσιν αὐτοῖς δι' αὐτῶν εἰς αὐτά", logicen certam notionum seriem a certo initio usque ad constitutum finem permigrare volunt, ut forma cum sua materia necessario sit con-

juncta: quod idem cadit in Platonicum disputandi genus quale in Republica describitur, in Parmenide adhibetur. Quae similitudo Platonicae ac recentioris dialecticae procedit usque ad singula artificia et sophismata, quibus efficitur, ut cogitatio ab experientia separata aliquid cogitare ac proficere videatur: cujus rei nonnulla

exempla postea nobis occurrent 1).

Si quis autem quaerat, quid causae fuerit, cur Plato priore dialectices forma non contentus novam methodum a sensibili mundo multo remotiorem excogitaverit, in ipso Parmenide nonnulla inesse videntur ad hanc quaestionem idonea. Intellegitur enim ex priore dialogi parte, cogitationem, si a sensuum ditione ad notiones ascendat et v. c. similitudinis ideam ponat ad singulas res respiciens quae propter hujus ideae participationem similes esse dicantur (Parm. 129a), difficultatibus implicari, quibus solvendis par non est, cum rationem inter res et ideas intercedentem explicare non possit. Itaque laberetur universa de ideis doctrina, nisi, ubi via a sensibili mundo ascendens deficit, alia via inverso itinere summam ideam per se confirmans et ab hac ad inferiores descendens subnasceretur (cf. 135 b—e). — Accedit, quod facillime comprehendi potest, Platonem in eo acquiescere noluisse, ut modo hanc modo illam notionem erroribus purgaret, definiret, divideret, sed systematis desiderio motum id sectatum esse, ut universum notionum regnum disputando complecteretur — nam ideae Platonis, ut Heyderus ait, sunt πολιτικά ζώα — imprimisque locum, quem summa idea inter ceteras obtinet, accuratius definiret: id quod illa disputandi ratione perfici posse, quam prius amplexus erat, videtur desperavisse. Huc refero non solum, ut modo dictum est, priorem Parmenidis partem, qua diserte significatur, priorem de ideis doctrinam et disputandi genus quo illa erat condita non sufficere,

¹⁾ Etiam in eo Platonicam dialecticen recentiori praeludere, quod absolutam contrariorum identitatem ponat — id quod Hegelio in Sophista et Parmenide significari videbatur — satis ab Heydero refutatum est (p. 109 sqq.). Quod tamen Ed. de Hartmann, ceterum Heydero assentiens, hac de re censet (ueb. die dial. Methode p. 7): "schon dem Plato mag hier und da wohl eine Identificirung Entgegengesetzter im Hegelschen Sinne als fernes Ideal vorgeschwebt haben, weil sie ihn der Mühe der Begriffsberichtigung durch die bequeme Erklärung des Widerspruchs zur Wahrheit überhoben hätte" — id quanam re nisus dicat talemque frandulentam ac sordidam cogitandi inertiam Platoni objicere audeat ignoro.

sed nova πραγματεία explendum esse, sed etiam memorabilem Sophistae locum, quo vituperantur οἱ τῶν εἰδῶν φίλοι (248 a sq.) — non Megarici sed Platonici priori doctrinae adhaerentes — quod immobiles ideas ponentes in difficultates quas superare non possint incidant: quibus opponitur methodus κοινωνίαν τῶν γενῶν tractans, quae quam arcte cum Parmenideo disputandi genere juncta esset supra dictum est.

Haec igitur, ut breviter complectamur, est sententia nostra, Platonem provectiore aetate, quo tempore Sophistam, Parmenidem, Rempublicam (hoc nisi fallor ordine) scripsit, novam condidisse dialecticam methodum, quae cum ceteras ideas tum summam unitatis ideam non ad mundum sensibus subjectum respiciens sed per solas notiones exponeret earumque existentiam quasi ontologico quodam argumento demonstraret: ratio autem quam ideae ad res sensibiles tenent, in logicam relationem τοῦ ἕνός et τῶν ἄλλων resolvitur.

Ceterum per se patet, etiam posteriore tempore Platonem non semper in hac una versatum esse methodo per meras notiones procedente sed alias quoque investigandi rationes adhibuisse, ubi non de idearum regno atque ordine sed de aliis rebus agendum erat: talia vero genera disputandi pro dialecticis, si quis accurate judicet, habenda non sunt. Velut in Timaeo, quem post Rempublicam scriptum esse constat, tantum abest, ut disputatio in solis notionibus versetur, ut de nulla alia re quam de sensibilis mundi origine ac natura agatur. At negandum est, omnino in Timaeo Platonem dialectica ratione uti: ipse enim disertis verbis dicit, se hic non philosophari sed de rebus quae accuratam cognitionem non admittant, τον είκοτα μῦθον proferre (Tim. 29 b—d). Quod vero ad disputandi genus in Republica adhibitum pertinet, nimis longe id mihi videtur Strümpellius a pura notionum investigatione removere, cum dicit, reipublicae formam quae ibi adumbratur, non e notionibus esse derivatam sed ad vitae usum et experientiam compositam 1).

¹⁾ Str. prakt. Phil. d. Griech. I. 353—369. 368: Um es kurz zu sagen, Platos Schrift über den Staat ist von ihrem Verfasser durch und durch praktisch gedacht und gemeint, construirt nirgends weder die Idee selbst noch aus der Idee heraus.. sondern verzeichnet auf Grundlage allgemeiner Gesichtspunkte.. unter Anknüpfung an wirkliche Verhältnisse... diejenigen Vorschläge, von denen er überzeugt war, dass ihre Befolgung die in seinen Augen verwerfliche politische Constitution des athenischen Staates besser machen würde.

Quae vero affert vir clarissimus, ut Platonis rempublicam quam proxime ad vitae veritatem admoveat, ea mihi non sunt persuasa. Velut ubi dicit, quod Plato summam reipublicae philosophis mandandam censeat, nihil aliud significare, quam si quis admoneat, res civiles non ab inanibus nugatoribus sed a viris peritis nec illiteratis esse administrandas (prakt. Ph. 362 sq.) in eo vehementer mihi videtur errare. Non, ut Strümpellius vult, hoc loco communis illius temporis consuetudo respicienda est, quae philosophi nomen latiore sensu usurpabat: neque enim Jsocratem audimus, qui tali modo philosophos dicebat homines cum cetera doctrina tum eloquentia ad gerendam rempublicam aptos, sed Platonem, et Plato haud ambigue significat, quos dicat philosophos, scilicet eos, qui ex obscura caverna, qua ceteri inclusi sunt, ad lucem idearum evaserint nec nisi inviti et necessitate coacti reduci se in tenebras et reipublicae administrationem sibi committi patiantur. Ceterum hujus loci non est, singula argumenta, quibus Strümpellius refutare vult, idealem quam dicunt rempublicam et fictam absolutae perfectionis speciem a Platone statui, accuratius examinare: duos locos Platonis attulisse satis sit, quorum sententia satis perspicua interpretando non debet debilitari: V. 472 e τι οὖν; οὖ καὶ ἡμεῖς, φαμέν, παράδειγμα εποιούμεν λόγω άγαθης πόλεως; — πάνυ γε ήττον τι οδν οἴει ήμας εδ λεγειν τούτου Ενεκα, εαν μη έχωμεν αποδείξαι, ως δυνατόν ούτω πόλιν οίκησαι ως ελεγετο; — ου δητα, έφη. — Cf. IX fin. (Strümp. p. 357 adn.) εν πόλει τῆ εν λόγοις κειμένη· έπεὶ γῆς γε οὐδαμοῦ οἰμαι αὐτὴν είναι. άλλ', ἦν δ' έγω, έν οθρανώ τοως παράδειγμα ανάκειται τῷ βουλομένῳ δραν.

§. 20. Sed redeamus unde huc defleximus: restat enim ut paucis explanemus quid Plato doctrina de notionum societate prolata ad verum inveniendum profecisse, quibus disputandi erroribus occasionem praebuisse videatur. Et quamquam optime fecit quod Antistheni omnia dirimenti suam de κοινωνία doctrinam opposuit, quae Aristotelicae de judiciis doctrinae praeludit, tamen metaphysice eum doctrinam de judiciis confirmasse dici non potest: nam qualis sit haec κοινωνία quam notiones invicem ineunt, et qua ratione fiat, ut quaevis notio non de se sola sed etiam de aliis praedicari possit, non dicit. Jam vero si explicare tentamus quibusnam in fontibus eorum qui latissime in hoc disputandi genere apud Platonem patent errorum origo posita sit, imprimis redeundum erit ad hanc dicendi vel potius cogitandi consuetudinem (quae necessario ex

Platonicae dialectices ratione fluit), quod relationem inter subjectum et praedicatum intercedentem ita exprimere solebat, ut ideam subjecti ideae praedicati participem esse poneret. Inde consequebatur verbi causa, ut secundum Platonem unaquaeque notio in se ipsa non satis virium haberet, ut sibi par, ab aliis diversa esse valeret: sed indiget, ut eadem sit quae est, auxilio notionis identitatis, ut diversa sit ab aliis, auxilio diversitatis (Soph. 255 e: & Exagrapo ετερον είναι των άλλων ου διά την αυτου φύσιν άλλα δια το μετέχειν τῆς ἰδέας τῆς θατέρου). Si cui ideae igitur idea diversitatis adest, consequitur, ut diversa sit: a qua re autem diversa sit, inde non apparet: et quomodo diversitatis idea alicui ideae superveniens efficiat, ut illa non modo in universum diversa sit, sed diversa sit ab eis ipsis, a quibus revera est, vel cur êregor non modo in universum sit ετέρου ετερου, sed certae cujusdam rei, ex Platonis sententia non explicari ac ne fingi quidem potest. — Longe luculentissimum autem exemplum confusionum ex eo quem significavimus fonte natarum positum esse puto in eis, quae Plato de non-ente disputat. Non-ens esse (existere) duplici ratione a Platone demonstratur. Alia notio, inquit (Soph. 258 b sqq.), quod non est alia, particeps esse debet ideae τοῦ μὴ ὅντος: est igitur τὸ μὴ ὄν. — Non-ens est non-ens et quasi δεσμόν έχει τοῦ μὴ είναι τὸ είναι μη ον (Parm. 162 a): particeps est igitur ideae τοῦ εἶναι. Quae sententiae inde proficiscuntur, quod Plato non distincto verbo esse quod copula est ab eo quod existentiam significat, ex copula "fort" sive "οὖχ έστι" ideam τοῦ ὖντος sive τοῦ μὴ ὄντος, quam esse necesse sit, efficit. Jam si haec sententia, quae τὸ μὴ ὄν esse significat, nihil aliud portenderet quam quod commemoravimus, unamquamque notionem non id esse quod est alia notio, vel id quod non est non esse, sub expressione satis mira pervulgaris latet sensus: sed Plato hos fines transgreditur et τὸ μη ον, cum semel demonstraverit id quodammodo existentiae particeps esse, statim multo latiore sensu quam quo demonstraverat pro ente sumit. Ens dixerat non esse (scil. non esse non-ens), non-ens esse (scil. esse non-ens): jam ut effici possit, ut non-ens sit et ens non sit, ponit mutationem sive motum inter ens et non-ens intercedentem (Parm. 162c) et ex commenticia identitate entis et non-entis, similiter ut in recentiore dialectica fit, elicit motum quasi hujus identitatis vinculum.

Ubi vero duae ideae ita inter se sunt conjunctae, ut utraque

similiter de altera praedicetur nec distinguatur, utra alterius particeps sit, sed utriusque dignitas alteri par sit, ibi novorum errorum occasio datur. Nam cum utraque sit substantia per se exstans, hace conjunctio in quam utraque pari jure intrat, a Platone ita tractatur, quasi sit compositio duorum elementorum, quae in elementa unde conflata est, rursus dissolvi possit. Ita fit verbi causa, ut quod in capite primae antithesis positum est & vo, in quo similiter unum de ente atque ens de uno praedicatur, ex duabus partibus compositum esse dicatur, quarum altera est & altera & earumque rursus utraque eodem modo in binas partes dissecatur et sic in infinitum. Quo artificio cum Plato ex unitatis existentia sive existentis unitate elicuerit, ex partibus eam esse compositam, cetera quae in antithesi unitati tribuuntur, facili negotio ex & leve et µseco prout necessarium est sive identitate seu diversitate derivantur.

Nec solum quodeunque de aliqua idea praedicatur, a Platone ipsum quoque in ideam vertitur, quacum illam societate jungi dicit, sed etiam saepe, si qua notio cum praedicati notione ita connexa est, ut hujus cogitatione illius quoque memoria suscitetur, etiam illam de subjecto praedicat. Velut in tertia Parmenidis antinomia (161 d), cum inde quod tà alla unitati paria esse nequeunt. conclusum sit, imparia esse, deinde paritas quae modo rejecta erat, hoc artificio rursus reducitur. Ad imparitatem, inquit, pertinent magnitudo et parvitas: quare và alla cum unitate comparata et majora et minora sunt. Inter majus et minus autem intercedit paritas: quare in quo inest magnitudo et parvitas, inest etiam paritas: và alla igitur unitati paria. Omitto falso inde quod alia unitati imparia sunt, concludi et majora et minora esse: hoc concesso animadvertenda est concludendi fallacia, quae inde quod majus et minus sine intercedente pari cogitari non possunt, efficit, etiam paritatem de uno et aliis esse praedicandam 1).

Cum vero universa Parmenidis disputatio in notionibus aut inter se jungendis aut dirimendis versetur, mirandum non est, verba quibus notiones significantur, haud exiguam vim in conclusionibus nectendis sibi vindicare ac non raro totam demonstrationem a verborum usu pendere. "Nam" ut ait Baco, "credunt

¹⁾ Simile ejusdem artificii exemplum vide Parm. 143 d-144 a.

homines rationem suam verbis imperare, sed fit etiam ut verba vim suam super intellectum retorqueant et reflectant"1). Velut ut demonstretur, si unitas ponatur, τα άλλα ab hac non prorsus separata esse, sed etiamsi non sint unum tamen sub numeri mensuram cadere, Plato plurali numero nititur, quem adhibemus si dicimus τὰ ἄλλα: τάλλα τοῦ ένὸς εἴπερ ειερά εστιν άλλὰ μὴ ετερον πλείω έσιλν ενός. Ετερον μέν γαρ ον εν αν ήν. Ετερα δε οντα πλείω ένος έστι και πλήθος αν έχοι (Parm. 153 a). Similiter Plato, ut unitatem rois ällois similem esse probet, ita disputat (P. 147 c sqq.): Ούχοῦν (το εν) ετερον τῶν ἄλλων ὥσπερ και τάλλα ἐκείνου και ούτε μαλλον ούτε ήττον; .. "Όταν δη λεγωμεν ότι έτερον μεν τάλλα τοῦ ένος, έτερον δε το εν των άλλων, δις το ετερον είποντες οιδεν τι μαλλον επ' αλλη αλλ' επ' εκείνη τη φύσει αὐτὸ αεί λεγομεν, ήσπερ ην τουνομα . . . Εὶ ἄρα έτερον των ἄλλων το εν καὶ τάλλα του ενός, κατά ταθτό ετερον πεπονθέναι οθκ άλλο άλλα το αθτό αν πεπονθός είη τὸ εν τοῖς άλλοις, τὸ δε που ταὐτὸν πεπονθὸς ὅμοιον. Ex linguae igitur consuetudine, quae utramque duarum rerum inter se diversarum eodem vocabulo Etegar nominat, hic Plato similitudinem utriusque rei concludit: quam rationem imitans Hegelius, ut duarum rerum diversarum identitatem probet, linguae latinae usu nititur idem utrique vocabulum (aliud-aliud) tribuentis (Encycl. § 92 Zusatz).

Aliae conclusiones inveniuntur apud Platonem, quae ex eodem verbo diverso sensu usurpato proficiscuntur: velut ex eo quod demonstratum est, unitatem ἐν ἐτέρφ versari, derivatur, eam moveri, cum pro verbis quae sunt τὸ ἐν ἐτέρφ ον mutato sensu substituatur τὸ ἐν ἐτέρφ ον εί ον: id quod modo hic modo illic est nec unquam eodem loco remanet (Parm. 146 a). Multa praeterea observari possunt de diversis quae in Parmenide inveniuntur generibus sophismatum sive rudiorum sive subtiliorum — velut de eis quae

¹⁾ Etiam Plato probe scit, verbis non sine cautione esse confidendum et verendum ne illis res magis obscuretur quam illustretur. Theaet. 1770 μη λεγέτω το ότομα, άλλα το πράγμα δ ότομαζήμενον θεωρείται, cf. Soph. 257 b. Qui verba pronuciat (Theaet. 206 d) εἰς κάτοπτρον ἡ ὕδωρ την δόξαν ἐκτυποῦται εἰς την διὰ τοῦ στόματος ἐρην; nec imago veritati sed potius veritas et sibi et imagini lucem affundere debet (Crat. 439 b). Quare hospes Eleaticus Socrati juniori: ἄν διαφυλάξης, inquit (Pol. 261 e), τὸ μὴ σπουδάζειν ἐπὶ τοῖς ὀνόμασι, πλουσιώτερος εἰς τὸ γῆρας ἀναφανήση φρονήσεως.

similitudine a rebus in spatio versantibus ad ideas male translata nituntur, quorum memorabile exemplum exstat Parm. 149 e—150: sed vereor ut aliquid novi inde comparemus ad Platonis methodum intellegendam et aestimandam. Hoc unum gravioris est momenti, quod ex eis quae hac paragrapho disputata sunt, apparere existimo, quantas difficultates condendae de judiciis doctrinae necessario parent ideae Platonis per se exstantes, quarum χοινωνία efficiat, ut alicui subjecto aliquod praedicatum tribui possit. — Ac si jam omnibus perpensis aestimare velimus, quid Plato hac investigandi via, quae meris notionibus ad absolutum rerum principium pervenire studet, ad augendam rerum cognitionem attulerit, non inique opinor agemus, si huc transferamus, quod Socrates Callicli dicit: εὐδαίμων εἶ ὧ Καλλίκλεις ὅτι τὰ μεγάλα γε μεμύησαι πρὶν τὰ σμικρά ἐγῶ δ' οὐκ ἤμην θεμιτὸν εἶναι. —

§ 21. Liceat mihi descriptis Platonicae dialectices methodis hoc loco pauca adjicere duabus de rebus ad intellegendam philo-

sophi nostri doctrinam non praetermittendis.

Ac primum quidem non credendum censeo eis, qui actionem mentis, qua illa cum ad ceteras ideas tum ad summam pervenit, secundum Platonem in immediata quadam intuitione positam esse arbitrantur quae discursivam quae dicitur reflexionem potentia ac dignitate superet 1). Atque quamvis concedamus, Platonis menti sanctam idearum speciem haud aliter obversatam esse atque artifici ideam statuae quam est creaturus, huic tamen non repugnat, doctrinam quam de ideis cognoscendis statuit, eo spectasse, ut is tantum satis firmam atque perfectam idearum cognitionem habere judicandus esset, qui per claras notiones alteram ideam ab altera distinguere earumque rationem etiam aliis reddere posset. Multi autem loci, quibus Plato describit, quomodo ideae cognoscantur, ita sunt comparati, ut intuitionem prorsus excludant, velut quod Socrates in dialectica methodo exponenda: η καὶ διαλεκτικόν, inquit (Rep. VII. 534 b), καλεῖς τον λόγον ξκάστου λαμβάνοντα τῆς οὐσίας; και τὸν μη ἔχοντα καθόσον ἄν μη ἔχη λόγον αθτῷ τε και ἄλλῳ

¹⁾ Praeter multos nostrates hujus sententiae patronos nominandus est Guil. Whewell (philos. of discov. 440 sqq., imprimis 448): qui cum in linea illa quadrifariam divisa διάνοιαν dicat esse reflexionem, νόησιν intuitionem, in quantas difficultates incidat, neminem qui commentationem ejus alias ingeniosam cum Platonis loco comparat, poterit fugere.

διδόναι, κατά τοσούτον νούν περί τούτου ού φήσεις έχειν;1) Quod expressis verbis etiam ad summi principii cognitionem transfertur, quasi Plato veritus sit, ne in summo principio aliud cognitionis genus admittere videretur: σύνοῦν καὶ περὶ τοῦ ἀγαθοῦ ωσαύιως. δς αν μη έχη διορίσασθαι τι λόγω από των αλλων πάντων αφολών την του άγαθου ίδεαν και ώσπερ εν μάχη δια πάντων ελεγχων διεξιών . . . ἐν πᾶσι τούτοις ἀπτώτι τῷ λόγῳ διαπορεύηται, . . οδιε αθτό τὸ άγαθὸν οὐθὲν φήσεις εἰθεναι τον ούτως ἔχοντα οὐτε άλλο dyaθον οὐδεν; 2) Quibus apertissime significari mihi videtur, cogitandi rationem quae a Platone ad idearum veritatem cognoscendam dialectico commendatur, nullam aliam esse praeter eam quae in notionibus discursivis versatur. Neque si de methodo ab hypothesibus ad summam ideam ascendente recte disputavimus, apparet ubinam in Platonicae doctrinae compage praeter discursivum cogitandi genus intuitioni locus detur. Nam qualis sit unitas in summo rerum fastigio posita, in Parmenide vel maxime conclusionibus nectendis investigatur, non immediata rationis actione arripitur: atque ubi summae ideae perspiciendae scientia discursiva par esse judicatur, multo minus ad cognitionem ceterarum idearum intuitionem intellectualem advocare necesse est. Intuita est mens, ut clarissimo Phaedri loco describitur, loco supercoelari την άχρώματον και ασχημάτιστον και άναφη σύσιαν, sed in hac terrestri vita eam non intuemur, et ut memoriam beatissimi illius conspectus recuperemus, data nobis est ratiocinandi atque concludendi facultas, non facultas intuitionis cogitandi legibus potentioris.


Minime autem sententiae nostrae repugnat, quod Plato saepe ubi mentem ideas cognoscere dicit, verbis qualia sunt Isão I et za I o o a verbis qualia sunt I são I et za I o o a verbis qualia sunt I são I et za I o o a verbis qualia sunt I são I et za I o o a verbis qualia sunt I são I et a verbis qualita sunt I são I et a sae verbis qualita et a sae verbis qualita et a sae verbis legibus distincto etiam ad id quod concludendo cognoscitur transferri possunt. Ejiciamus igitur ex Platonis doctrina intuitionem intellectualem, quae in philosophia ejus qualem ex

¹⁾ Hac in re Platonicus Socrates non recedit a Xenophonteo, cf. Memor. IV, 6. 1. Σωκράτης γὰρ τοὺς εἰδότας τί ἔκαστον εῖη τῶν ὄντων ἐνόμιζε καὶ τοῖς ἄλλοις ἀν ἐξηγεῖσθαι δύνασθαι.

²⁾ Similiter Soph. 234 a ὁ φιλόσοφος τῷ τοῦ ὅντος ἀεὶ διὰ λογισμών προσκείμενος ἰδέα.

ipsius philosophi nostri libris cognoscimus, nullum locum tenuit: de postrema ejus doctrina ad Pythagorica placita accedente, cujus reliquiae ex Aristotele ejusque commentatoribus nobis notae sunt, nihil affirmo 1). —

Alterum quod hac paragrapho tractandum nobis proposuimus, pertinet ad ordinem quo ideae a summa incipientes a Platone dispositae esse videntur. Reminiscamur ejus loci, de quo supra uberius disputatum est, Rep. VI. 511b, ubi dicitur: μέχοι ιοῦ άνυποθετου έπι την του πανιδς άρχην ίων (scil. δ λόγος) άψάμενος αὐτῆς πάλιν αὖ έχόμενος τῶν έκείνης έχοιιένων οὕτως έπὶ τελευτὴν καταβαίνει. Ac quomodo Plato ab hypothesibus ad principium ascendendum esse judicaret vidimus: de altera dialectici itineris parte, quae a principio per inferiora usque ad finem descendit, non habebamus quod dici posset, quoniam Plato hunc dialectices locum in ideis ordine ac ratione ex unitatis principio derivandis occupatum scriptis suis non persecutus est, nec, qua ratione id temptare potuerit, vaticinandum nobis est. Sunt autem qui certius de hac re edocti sciant ordinem omnes ideas a summa ad infimas complectentem secundum Platonem per solam divisionem procedere, ut summum genus sequantur genera huic subjecta, deinde horum species, deinde specierum species et sic usque ad finem, ita ut idearum quasi stemma hac ratione dispositum existat:



Totum autem artis dialecticae munus, si his credendum est, in eo consistit, ut prius per scalas notionum ab infimis usque ad fastigium ascendatur, deinde rursus eisdem scalis descendatur: quo nihil cogitari potest jejunius. Sed nusquam a Platone dicitur,

¹⁾ Arist. de an. I, 2. 404 a 22 νοῦς μὲν τὸ ἔν, ἐπιστήμη δὲ τὰ δύο, . . . τὸν δὲ τὸῦ ἐπιπέδου ἀψιθμὸν δύξαν, αἴσθησιν δὲ τὸν τοῦ στεψεοῦ. Utrum hic νοῦς ab ἐπιστήμη distinguatur ut in Republica (VI. 511 d) νόησις a διανοίφ, an νοῦς significet intuitionem, ἐπιστήμη reflexionem, discernere non audeo, quoniam testimonia nimis rara et obscura de ultima Platonis doctrina non certo judicio ac vix conjecturae locum dent.

notionum ordinem per divisionum et subdivisionum continuum systema et quasi stemma deduci: ac si quis in quinque illis notionibus principalibus quae in Sophista enumerantur experimentum facere velit, intelleget ne eas quidem hoc modo disponi posse. Nam quod illarum primo loco ponitur τὸ ὅν ceteras complectitur: huic subjectae sunt et στάσις ac χίνησις, et rursus ταὐτόν ac θάτερον: neque vero ταὐτόν et θάτερον aut στάσει aut χινήσει (sive invicem) ut species subjici possunt. Junguntur quidem στάσις et χίνησις cum ταὐτῷ et θατέρῳ, sed divisio continuo ordine procedens inter has notiones constitui nequit¹). Quare qui ideas Platonis in simplicem divisionis figuram revocare volunt, varietatem rationum, quibus illae multifariam inter se et junguntur et separantur, non videntur mihi assequi. —

Cap. III. Quid valeat dial. ars ad rerum cognitionem augendam.

§. 22. Jam dialecticam Platonis artem et universam et partes ejus persecuti, cum passim in describendis singulis Platonis methodis dixerimus, quibus quaeque vitiis laborare quibusque erroribus occasionem dare nobis videretur (cf. §§. 3, 4, 6, 12 sq., 19), nunc ita universam disputandi rationem a Platone adhibitam examinandam nobis proponimus, ut gravissima ejus placita et quae ad naturam et quae ad mores pertinent breviter perlustrantes ab eis sententiis, in quibus dialectica methodus nullum exercuit mo-

¹⁾ Quod Plato Soph. 253 d dividendi methodo descripta addit, qui hoc facere sciat, eum quatuor illas dialecticas rationes (cf. §. 17) intellegere, non sunt haec verba premenda, quasi doceat, divisione ceteras omnes jungendi ac separandi rationes contineri nec quicquam novi ad illam afferre (sic Zellerus II, 1. 390 adn. 1 injuria, opinor, Heyderum vituperans): quod si Plato significaret, repugnaret eis quae syntheticam quoque notionum societatem apertissime expostulant, 251 a etc., eisque quibus statim quatuor jungendi ac separandi genera describit, se ipsum refutaret.

mentum quarumque origo aliis e fontibus derivanda est, separemus eas, in quibus condendis singularis dialectices ratio aliquo modo locum obtinuit: atque his recensendis intellegetur, ad quas quaestiones solvendas ars dialectica perducere valeat ad quasque regiones illa innatis vitiis sibi ipsa quodam modo aditum obstruxerit.

Commune autem habet Platonis philosophia cum plerisque aliis philosophandi conatibus desiderium, in mutationibus fluctuantibus, quae inconstantiae speciem undique nobis offerunt, certum aliquid atque constans inveniendi, quod omni mutationi exemptum idem quod est semper fuerit semperque futurum sit: nam nisi tale aliquid in fundamento eorum quae mutantur positum esse statuitur, intra fluctus rerum temere nascentium, temere rursus percuntium firmae scientiae locus dari nequit. Hoc desiderium idem locum tenet apud physicos Jonios (ne Heraclito quidem excepto), idem apud Democritum, idem apud Eleatas et Anaxagoram: sed unusquisque alia ratione, quidnam esset hoc constans atque immutabile rerum fundamentum, expedivit. Plato vero, cum "divideret γενεσιν Heracliti ovota Parmenidis", ideas in principio rerum collocavit in eisque solutionem difficultatum, quas sensibilis mundus offert, contineri existimavit. Potest autem ratio, quam ideae Platonis ad res sensibiles tenent, compluribus modis exprimi, quorum unusquisque peculiarem Platonicae doctrinae proprietatem significat. Sunt enim ideae rebus sensibilibus oppositae primum ut immutabilia mutabilibus, deinde ut perfecta mendosis, denique utgeneralia singularibus. Ac primam quidem earum quas enumeravimus notarum, immutabilis constantiae, ideis non propter dialecticae methodi peculiarem rationem sed propter desiderium hoc de quo diximus, quod ut constans atque aeternum rerum fundamentum ponatur efflagitat, tributam esse patet: ne secundae quidem, quae in perfectione vitiosae singularum rerum conditioni opposita versatur, fons in dialectica methodo positus est, sed potius invicem ipsa, ut supra vidimus (§ 5) ad conformandam disputandi rationem momentum attulit. Tertiam vero notam quam ideis tribuendam esse diximus, quod sensibilibus rebus ut generalia singularibus oppositae sunt, ejus origo non potest aliunde repeti nisi ex momento quod dialectica methodus in condenda Platonis doctrina sibi vindicavit: quia enim generalem notionem v. c. albi vel duri nihil continere vidit, quod ab albi durique essentia alienum esset, persuasit sibi, id quod cogitamus, ubi generalem illam notionem animo

proponimus, in rerum natura vere extans quasi exemplar esse,

ouod singulae res albae ac durae imitarentur.

Talem cum viam dialectica sequeretur, ut ad id duod vere est perveniret, in generales notiones intenta singulas res cum fastidio quodam abjecit eaque, quae his propria sunt néc notionibus comprehendi possunt, statim ab initio a se removit: quo factum est ut de plurimis quorum ratio reddenda est, dialectica ne quaerere quidem posset. Exemplum repetamus a simplici quadam qualitate (cf. Rep. VII. 524a, b). Quae generali caloris natura comprehenduntur, ea dialectica ars idea caloris complectitur: at nulla res simpliciter est calida, sed certo quaeque caloris gradu certaque mensura utitur. Dialectica vero ars generalem caloris naturam solam vere esse judicat, diversos autem gradus, quippe qui non minus frigus quam calorem in se contineant, a veritate abesse censet. Qui igitur ex varia caloris mensura, prout major illa an minor est, varii consequentur effectus certae legi obtemperantes, ad eos investigandos exprimendamque normam, secundum quam certa caloris intensitas certam effectus magnitudinem producit, dialectica nullam habet viam.

Similiter dialectica certum rerum fundamentum investigans statim ab initio omnia quae ad mutationes, actiones, eventus pertinent, missa facit: nempe ob hoc ipsum quia mutationes ut temerariae certoque ordine carentes firmae cognitioni locum non dare videbantur, confugerat a rebus quae alio tempore aliae fiunt ad notiones quae semper eaedem sunt. Sed cum semel dialectica eis quae ad motus eventusque pertinent quasi civitatem in regno veritatis eripuisset, consequebatur, ut, quae illa vere et absolute esse praecipiebat, ne minimam quidem ansam praeberent ad mutationes, quae in hoc mundo in quo vivimus fiunt, et ad actiones quae geruntur explicandas: desunt enim dialecticae Platonis omnes formae ad mutationes eventusque tractandos aptae: deest notio causae aliquem effectum producentis, deest notio legis quae et naturam et magnitudinem ejus effectus determinat atque ita efficit, ne in eis quae mutantur temeraria perturbatio regnare videatur. Vituperat autem Plato conatus rudes illos quidem physicorum et Anaxagorae, qui explicare studebant, ex quibus causis mutationes quae fiunt nascerentur, eamque rationem solam aptam censet ad rerum naturam explicandam, unde patefiat, cur optimum sit, quamque rem ita se habere ut habet: ξκάστω δ' ἀποδιδόντα την αίτίαν καὶ ποινη ποσι, τὸ ξαάστω βελτιστον. . καὶ τὸ κοινὸν ποσιν ἐπεκδιηγεῖσθαι ἀγαθόν (Phaedo 98a). Qui aliter investiget et rerum conditionem ex materia ejusque motibus ac mutationibus derivare conetur, eum dicit similiter rem gerere ac si quis interrogatus, cur Socrates in lectulo sederet non consilium ejus, cur optimum videretur indicaret, sed ex ossium et nervorum conditione derivaret, quomodo cruribus femoribusque incurvatis corpus ejus in sedendi statum redigeretur, Quod simile tum demum quadraret, si consilia, quae νοῦς divinus sequitur, tam clare oculis nostris proposita essent, quam consilia Socratis, quae hunc impellunt ut modo stet modo considat; et tum quoque dignum esset quod sciretur, quibusnam artibus rationibusque voluntatem suam perficeret: interim explicandi ratio modestior illa ac remissior ex philosophia non erit excludenda, quae ex efficientibus causis effectus derivat.

Quod vero negavimus habere Platonis dialecticam quod ad mutationes explicandas conferre valeat, non videtur Plato eo quod posteriore tempore ideis xivnow tribuit, viam ingressus esse, quae ad hanc inopiam explendam perduxerit: nam primum quidem repugnat haec xivnous immutabili constantiae, quam ideis tribuerat et de qua quicquam remittere nolebat: deinde ne tentavit quidem ex motu quem inter ideas esse supposuit, motus et eventus qui in sensibili mundo locum tenent explicare horumque leges ad constantiam motus inter ideas intercedentis adnectere: atqui ubi talis deductio abest, nihil facit ad singulos singularum rerum motus explicandos, qui harum rerum ideis xivnouv nescio quam tribuit.

Haud aliter igitur dialectica methodus rem gerit ac si quis naturalium rerum scientiam complecti vellet generibus ac speciebus animalium, plantarum, lapidum definiendis ac dividendis nec investigaret, quibus legibus eventus qui in natura accidunt regerentur quibusque artibus natura ipsas illas species, in quibus enumerandis

hic omnem operam ponit, procrearet.

Unde igitur nata est immutabilis illa constantia, qua notiones fruuntur et propter quam Platoni aptae visae sunt, quae in rerum capite et fundamento ponerentur? Eam ob causam notiones mutatione vacant, quia cogitatio nostra omnia quae ad mutabilem conditionem pertinent ab eis separavit: idcirco magnitudo quam notione comprehendimus nec major unquam nec minor fit, quia omnino nullam certam mensuram quae augeri minuive possit, ei tribuimus. Ubi vero in eis quae tali cogitationis actione nata sunt,

veram rerum substantiam cernere nobis videmur, removemus ex veritate rerum mutationem vitamque, et quam adepti sumus immutabilem constantiam, eam ipsi creavimus.

Praebet autem Plato duo exempla unde intellegi potest, quales evadere necesse sit singulas naturalium rerum disciplinas, si ad Platonicae dialectices leges accommodentur: opponit enim in septimo Reip. libro (529 sqq.) vulgari astronomiae et harmonicae eam quae vere sit astronomia vereque harmonice ad firmam rationem in animis excitandam apta. Cui enim astronomiae homines operam dare soleant sursum hiantes, eam deorsum animi aciem trahere, cum non circa ea quae cogitatione noscuntur sed circa aspectabilia versetur. Veram autem astronomiam spectare φοράς, quas τὸ ὄν τάχος και ή οδσα βραδυτής εν τῷ άληθινῷ ἀριθμῷ και πάσι τοῖς άληθέσι σχήμασι φέρεται Τα δ' εν τῷ οὐρανῷ ἐάσομεν εί μελλομεν όντως αστρονομίας μεταλαμβάνοντες χρήσιμον τὸ φύσει φρόνιμον εν τη ψυχη εξ αχρήστου ποιήσειν. Similiter reprehenduntur, qui harmonicen doctrinam excolentes eos sonos qui auribus percipiuntur inter se comparent et ratione auribus posthabita litigent, num inter minima intervalla etiam soni intercedentes audiri possint: quibus omnibus posthabitis ac relictis veram harmonicen non sonorum sed numerorum ipsam ξυμφωνίαν considerare.

Haud facile autem quisquam, opinor, dixerit, quam sibi Plato praeceperit speciem scientiae quae consideraret rationes, quas ideae celeritatis et tarditatis secundum intelligibiles numeros tenent: illud certum est, ad rerum cognitionem promovendam nihil conferre talia fictarum doctrinarum simulacra, quae licet excelsitate quadam

non careant, ad veritatem propius non adducunt.

§. 23. Cum vero fons, ex quo dialectica notiones suas haurit, non sit accurata naturae observatio, sed interna animi conscientia, apparet, ibi tantum dialecticam methodum aliquid proficere posse, ubi quae sunt explicanda jam in humano animo latent: quod cum non eveniat in naturalium rerum scientia, optime contingit in morali disciplina. Quaeque supra vidimus obstare, quominus dialectica ars ad cognitionem eorum quae in natura fiunt perveniat, ea ubi de ethicis quaestionibus agitur, in censum venire non possunt: neque enim hic motionum atque eventuum ratio est reddenda, sed de constantibus normis agitur quas hominum judicium in eis quae probanda sunt et eis quae improbanda sequitur: ideae igitur sunt describendae omnes perfectionis numeros continentes,

ad quas refertur judicium moralem actionum et voluntatum dignitatem aestimans. Hae non ut physicae qualitates majorem minoremve gradum ac mensuram admittunt, sed id quod sunt plene atque perfecte sunt: quod plane congruit cum dialectices ratione quae non diversos gradus qualitatum agnoscit — nam quod magis minusve calidum est, aeque frigus quam calorem in se continet — sed omnem certam mensuram a qualitatibus arcens absolute eas considerat. Quam ob causam jam Herbartius istis dialectices principiis nihil magis aptum exstruendae morum disciplinae cogitari

posse dixit.

Ut perveniatur igitur ad cognitionem moralium illarum notionum virtutum bonorumque (nam tertiam quae in morali philosophia locum tenere solet officii notionem Stoici demum adjecerunt), audiendum est conscientiae judicium de eis quae virtutis ac boni speciem prae se ferunt, utrum contineant perfectionem quae propter se ipsam excitet probantem mentis vocem, an habeant simulacrum talis perfectionis, a vera tamen virtutis natura admixtis alienis Atque id Platonem summa arte assecutum esse quis neget, ut conscientiae judicium de eis quae considerantur sincerum excitaretur, vel, ubi erroribus id depravatum est, ut adnecteretur disquisitio ad ea quae veri vestigia conservarunt, et dum his vestigiis insisteretur, abjicerentur aliena quae veram animi vocem obruerant? Exemplum ut afferamus, vide quomodo Polus, qui summam beatitudinem ponebat in licentia ejus, qui injuriam afferre valeret cui vellet, ipse vero a quavis injuria tutus esset, a Socrate ad veriorem beatitudinis cognitionem vocaretur. Dixerat ille (Gorg. 474 sqq.) κάκιον είναι τὸ άδικεῖσθαι τοῦ άδικεῖν: sed utrum αἴσχιον est? αἴσχιον certe τὸ ἀδικεῖν: nec usque eo obmutuit Poli conscientia, ut injuriam inferre pulchrius esse diceret quam injuriam pati. Jam quod cum alia re comparatum alogiov existimatur, illam aut λύπη antecellit aut κακώ: tertia vero causa cur quidquam turpius appelletur, cogitari non potest: itaque τὸ αδικεῖν, quoniam non dolore quodam τὸ ἀδικεῖσθαι superat, nullam aliam ob causam turpius dici potest, quam quia nocet animumque corrumpit et perdit: miser igitur injustus eoque miserior aegroto, quo funestius est, animo uti gravissimis malis corrupto quam corpore.

Similiter ubi virtutum definitiones investigantur, cavet dialectica ars, ne externa species, quae per se nullam habet dignitatem, pro ipsa virtute accipiatur, ne houxiotus aestimetur temperantia, ne xαριερία fortitudinis specie fallat (Charm. 159, Lach. 192). Quae vero dialectica examinatis eis quae speciem virtutis sive boni prae se ferunt separatisque quae aliena sunt nec per se probans conscientiae judicium merentur, retinet ad veram dignitatem moralem pertinentia, ea redeunt ad ideam concordiae sive concinentiae: id quod bonum est, versatur in ideis χάλλους, συμμετρίας, άληθείας (Phileb. 65 a, cf. Gorg. 504): hic est ad cujus normam humana vita dirigi debet χόσμος ἀσώματος ἄρξων χαλῶς ἐμψύχου σώματος. Ac si idea χόσμου et συμφωνίας ad tres animae partes quas Plato statuit transfertur, inde derivatur doctrina de quatuor principalibus virtutibus, quae ex concordia partium illarum inter se existunt


(Rep. IV. 442 sq.).

Desiderantur certe multa ad describendas morales ideas necessaria quae Platonis dialectica nondum perfecit: formali enim notioni harmoniae et κόσμου danda est concreta materia dicendumque, secundum quos numeros concentus ille perficiatur: vel si virtus secundum id elementum quod in harmonia illa principem locim tenet, appellatur επιστήμη, dicendum est, cujus rei sit επιστήμη. Atque ipse Plato, quid deesset, significavit, cum quaerens quid haec επιστήμη contineret eam in επιστήμην επιστήμης abire fecit, qua via si pergimus, in progressum infinitum deducimur, materiam vero ejus επιστήμης non invenimus (Charm. 166 sq., cf. Euthyd. 292 d). Haec quamvis ars dialectica ad finem non perduxisset, viam tamen aperuit ad investigandas describendasque ideas, quas judicium morale in aestimandis hominum actionibus sequitur.

Sed nonne ita dialectica moralem Platonis philosophiam a recta investigandi via abduxit, ut ideas in rerum principio collocans ad earumque similitudinem vitam dirigi jubens finem humanae vitae non eo contineri existimaret, ut beatitudine — non humili illa sed generosa et excelsa — fruamur, sed ut exprimamus speciem quandam alicujus ideae, cujus decus neminem laetiorem reddat, ut vitam impendamus spectaculo exhibendo, quod nemo spectet et quo nemo delectetur? Ab hoc errore mihi moralis philosophia Platonis abesse videtur: necessario enim cum perfectione ideae similitudinem exprimente veram plenamque beatitudinem conjunctam esse praecipit. Vitam quidem cognitioni deditam, quae omni laetitia careat et ne a cognoscendo quidem ullum gaudium percipiat, Plato ad summum humanae vitae finem accedere negat

(Phileb. 21e): quae proposita sunt duo exemplaria bene maleque vivendi, eorum alterum est τοῦ θείου εὐδαιμονεστάτου, alterum τοῦ ἀθέου ἀθλιωτάτου (Theaet. 176 d): quare qui nititur ut deo similis fiat, non abjicit beatitudinem, sed summam nobilissimamque sibi parat. Neque idcirco justitiam ac sapientiam colimus, ut idearum species vita nostra exprimatur — neque enim ideae nostro officio egent —, sed idcirco (Rep. X fin.). ἵνα καὶ ἡμῖν αὐτοῖς φίλοι ωμεν καὶ τοῖς θεοῖς αὐτοῦ τε μένοντες ἐνθάδε καὶ ἐπειδὰν τὰ ἄθλα τῆς δικαισσύνης κομιζώμεθα, ώσπες οἱ νικηφόροι περιαγεισόμενοι, καὶ ἐνθάδε καὶ ἐν τῆ χιλιετεῖ πορεία ἡν διεληλύθαμεν εδ πράιτωμεν.





	•			•	
			•		
•					
			•		•
		•			
			•		
		•			
·					
			•		
			•		
			•		
					•
				•	
				•	
		•		•	
				•	

UNIVERSITY OF CALIFORNIA, BERKELEY

FORM NO. DD6, 60m, 1/83

BERKELEY, CA 94720

Os



